

EXERCITATIO ACADEMICA  
DE  
DECIMATIONE DELIN-  
QVENTIVM

CVM PRINCIPIIS SVIS  
METHODO DEMONSTRATIVA  
PROPOSITA,

*QVAM,*  
DIVINA ANNVENTE GRATIA,  
RECTORE MAGNIFICENTISSIMO  
SERENISSIMO PRINCIPE AC DOMINO

DOMINO  
GVILIELMO HENRICO

DVCE SAXONIAE, IVLIAE, CLIVIAE, MONTIVM,  
ANGARIAE, WESTPHALIAE, RELIQUA,  
EX DECRETO ET AVCTORITATE ILLVSTRIS ICTORVM ORDINIS  
PRAESIDE

NIC. GVILIELMO DRESSELIO,

IVRIVM DOCTORE,  
PRAECEPTORE, HOSPITE AC PATRONO  
OMNI PIETATIS CVLTV VENERANDO,  
IN HAC ALMA SALANA  
PVBLICE DEFENDET  
AVCTOR

SALOM. SEVERIN. DOBERMANNVS  
RONNEBVRGENSIS.

---

AD DIEM XXVIII. APRILIS a. d. Inc. XXXI.

---

GENAE, LITTERIS MULLERIANIS.

THE UNITED STATES OF AMERICA  
DEPARTMENT OF THE INTERIOR  
BUREAU OF LAND MANAGEMENT  
WASHINGTON, D. C. 20250

TO: THE SECRETARY OF THE INTERIOR  
FROM: THE DIRECTOR OF THE BUREAU OF LAND MANAGEMENT  
SUBJECT: [Illegible]

RE: [Illegible]

[Illegible text block containing several paragraphs of a memorandum or report]

Very truly yours,  
[Illegible Signature]

[Illegible text at the bottom of the page, possibly a distribution list or administrative notes]

*SERENISSIMO PRINCIPI  
AC DOMINO,*

**DOMINO  
FRIDERICO**

DVCI SAXONIAE, IVLIACI, CLIVIAE, AC MON-  
TIVM, COMITI PROVINCIALI THVRINGIAE,  
AC LIMITANEO MISNIAE, NEC NON PRINCI-  
PI COMITATVS HENNEBERGICI, COMITI  
MARCAE, AC RAVENSBERGAE, DY-  
NASTAE RAVENSTEINI ET TON-  
NAE, RELIQUA

**PRINCIPI AC DOMINO MEO  
CLEMENTISSIMO.**

SACRVM HOC, DICATVM DEVOTVMQVE ESTO.

# SERENISSIME PRINCEPS, DOMINE CLEMENTISSIME,

**H**ANC TIBI, SERENISSIME PRINCEPS, differtationem multis de caussis subiectissime confecro. Ipsum, quod elegi, argumentum, meo quidem iudicio, ita est comparatum, vt TVA SVMMI PRINCIPIS PERSONA non plane indignum esse videatur. Decimationem delinquentium, & quae ad illam accuratius intelligendam pertinent, quoad fieri potuit, pertractavi. Est illa quidem poenae species, qua plane in terris TVIS, SERENISSIME PRINCEPS, opus non est. Tantum enim abest, vt ciues TVI imperium rumpant, atque turpissimo rebellionis crimine se polluant, vt potius  
omnia

omnia obedienter & pie faciant, & ac-  
PRINCIPIS SVI nutum actiones suas luben-  
tissime componant. Neque id praeter  
rem. PRINCIPI enim parent, qui plane in-  
comparabilis, & DEO simillimus est, & qui  
omnes vires, curas atque cogitationes suas,  
raro ORDINIS SVI exemplo, eo semper diri-  
git, vt ciues quiete atque feliciter viuant,  
eorumque commoda in dies magis ma-  
gisque amplificentur. At aliae ratio-  
nes adsunt, quibus inductus, SERENISSIMO  
NOMINI TVO hoc quaecumque specimen  
academicum demississime dedicaui. In  
antiquissimo TVO patrimonio natus, adeo-  
que TVVS sum, & quae potissima causa  
est, tot beneficiis a CLEMENTIA TVA pater  
meus adhuc ornatus est, vt ingratissimus  
essem homuncio, id nisi publice demississi-  
ma mente praedicarem, & grati atque  
subiectissimi animi documentum prosta-  
re vellem. Et quum incredibilis atque

diuina TVA CLEMENTIA vno omnium ore  
passim celebrari solet, in spem haud dubi-  
am venio, fore, vt hunc subiectissima pie-  
tatis meae fructum serena fronte accipias.  
Quod restat, Deo supplex futurus sum,  
vt TE, SERENISSIME PRINCEPS, ingens pieta-  
tis atque iustitiae fulcrum, summumque  
TVORVM ciuium delictum, nec minus, qui  
ex TE nati sunt, SERENISSIMVM PRINCIPEM  
HEREDITARIVM reliquosque iuuentutis  
PRINCIPES, qui vestigia TVA immortalis  
laude pressa strenue sectantur, quin immo  
omnem SERENISSIMAM STIRPEM TVAM quam  
diutissime florere, & quae fingi modo pos-  
sint, bonis abundantissime cumulare velit

SERENITATI TVAE

deuotissimus seruus

SALOM. SEVERINVS DOBERMANNVS.

# LECTORI BENEVOLO

S. P. D.

A V C T O R.

**V**ariae diuersaeque plane indolis mortales esse, neminem fugit. Alii sua sponte rectae rationi obtemperant; alii non nisi coacti id faciunt. Hinc Principi, ad subiectorum ingenium sese accommodanti, opus est & bonitate, & seueritate: Illa quidem, ut bonae mentis ciues magis magisque ad bonum amplectendum malumque fugiendum excitentur; hac vero, ut improbi poenarum metu in officio suo, cui satisfacere saepe recusant, eo facilius contineri queant; licet negari non possit, salutem reipublicae aliasque rationes interdum postulare, ut bonitas seueritate & seueritas bonitate temperetur. Luculentum seueritatis, bonitate temperatae, documentum decimatio delinquentium exhibere potest. Quod argumentum satis arduum, dum iussu Parentis mei carissimi, quem DEVS immortalis florentem quam diutissime praestet, quoad per vires ingenii, quas exiguas sentio, fieri potuit, elaborandum suscepi, eo lubentius pertractavi, quia a paucissimis illud adhuc enucleatum, iustitiamque decimationis a multis in dubium vocatam, rem tamen ipsam iam olim & nostra aetate vsu receptam fuisse, deprehendi.

Quum autem animus mihi erat, omnia ex primis fontibus deriuare, diuersa iuris naturalis principia de statu naturalis & origine civilis praemittenda esse, duxi, ut commoda atque in-

*incommoda, quae statum naturalem comitari solent, ante oculos ponerem, atque statum civilem recte naturali praeferri demonstrarem. Id quod fusius capite I. pertractatum est.*

*Quod ad ipsam tractationem attinet, omnem nauau operam, ut & ipsam decimationem rationi conuenientem, ad salutem reipublicae utilem & iustam esse ostenderem, legesque & consuetudines populorum diligenter cum principiis nostris conciliarem. Nec minus demonstraui, a quo, quibusque in casibus decimatio institui possit.*

*De methodo, qua usus sum, demonstratiua, nihil attinet plura dicere, siquidem illa ad veritatem accuratius cognoscendam viam sternit, ac non nisi principia cognoscendi indubitata & modum concludendi legitimum admittit; unde illa prudentis timorum calculo comprobatur.*

*Quod reliquum est, abs TE, Lector Beneuole, ea qua decet, obseruantia, peto atque contendo, ut, si quid forte praeter spem atque opinionem irrepserit, quod ulteriore emendatione expoliri queat, id omne in meliorem partem interpretari, & pro candore TVO aequum humanitatis iudicium mibi reddere velis. Vale, & me, qui TE colo, beneuolentia TVA ample-*

*Xi perge. Dabam Ienae, d. XXVIII. Apr.*

*clō lccc xxxi,*





## CAPVT I.

### CONTINENS PRINCIPIA QVAEDAM DEMONSTRANDI DE STATV NATVRALI ET CIVILI.

#### §. I.



*Statu hominum "naturalis"* est ille status, Quid status naturalis & Superior? quo neminem Superiorem, nisi DEVM, agnoscunt. *Superiorem* autem hoc loco vocamus, ad cuius voluntatem alter, actiones suas conformare, obligatus est.

Sic, vt exemplo rem illustremus, Patriarchae olim in statu naturali vivebant, quatenus, teste sacra scriptura, solum DEVM respiciebant Superiorem: hinc paterno solum & herili iure suas familias regebant, veritatemque diuinam conseruare atque amplificare studebant. Pariter imperia integra, regna, & respublicas liberas ad-  
huc

huc eodem statu naturali gaudere, facile ex eo patet, quod, si a DEO recesseris, Superiorem in terris reuerentur neminem.

Quisquis  
nullum in  
terra Superiorem agnoscit, is nullis legibus humanis obnoxius.

§. II. Regula, ad quam aliquis actiones suas dirigere obligatur, dicitur *lex*, eaque *humana*, si talis quidem regula est, ad quam aliquis actiones suas componere, ab hominibus obligatur. Quicunque igitur, DEO excepto, Superiorem in terris agnoscit neminem, ille non ad hominum, sed ad DEI vniuersi voluntatem actiones suas dirigere obligatur, & *ita omnibus legibus humanis est solutus* (§. i.).

Non desunt, qui datam legis definitionem ad consilium etiam applicari posse, & hinc definitio latiore esse, contendunt. Sed, quum obligatio consistat in *connexionemotiuorum*, i. e. *repraesentationis boni vel mali cum actione*, prouti ostendit WOLFFIVS in Philof. Morak. §. 8. vnusquisque facile intelligit, plane disparerem esse rationem consilii & legis, siquidem, qui alteri legem constituit, simul motiuum cum ipsius actione vel suscipienda, vel omittenda connectit, i. e. eundem obligat; id quod proprium legis consuevit esse: contra ea, qui alteri consilium dat, is quidem ostendit, quae actionem vel susceptam vel omissam consequutura, & cum ea connexa sint; non autem ipse cum illa connectit, & hinc nec ipse obligat. Vnde consilium accipienti, respectu dantis, integrum est, & sequi & repudiare illud, licet, si repudiet, damnum naturale subire cogatur, vti posset per exemplum ab aegroto & medico petiitum illustrari; secus autem se res habet in illo, qui legem a Legislatore nactus est. Pluribus, si placet, conferantur PVFENDORFIVS de iure natur. & gent. Libr. I. Cap. VI. §. 1. 2. item I. TH. C. in vsu Philosophiae Leibn. & Wolff, in Theol. Cap. XI. §. 16. seqq.

nec vllae  
poenae  
humanae.

§. III. Malum, quod Legislator cum actione coniungit, tanquam motiuum illius omittendae, dicitur *poena*; hinc, vbi Legislator non est, nec *lex*; nec poena proprie sic dicta locum habere potest. Iam, quicunque  
ne-

neminem, nisi DEVM, Superiorem agnoscit, is nullis subiectus est legibus humanis (§. 2.); vnde sequitur, vt, *qui neminem Superiorem, nisi DEVM, agnoscit, nec ullis obnoxius sit poenis humanis proprie sic dictis.*

Dico consulto & cogitate, illum nullis poenis *humanis proprie sic dictis* esse obnoxium. Nam, licet homo nullum in terris Superiorem agnoscat, neque adeo ullam poenam humanam extimescere necesse habeat; tamen, si agat malum, & omittat bonum, omnibus, quae per naturam rerum cum actione mala coniuncta sunt, obnoxius est damnis, quae malam actionem ipsius consequentia, quatenus lex naturae lex diuina est, pro poena diuina haberi omnino possunt & debent, vti e.g. prodigus, opibus suis profusus, in mendicitatem se detrudit; licet non agnoscat vllum, praeter DEVM, in terris Superiorem. Pariter, si quis alterum infesto animo adgreditur, in eiusque bona vel corpus inuadit, licet vel maxime Superiorem non agnoscat, in summum periculum, ex defensione alterius sibi imminens, sese quin mittat, quis est, qui dubitet? Quod autem proprie poena dici non potest.

§. IV. Quicumque nulla lege humana tenetur, *nec ad tribu-*  
mini tributum pendere ex lege est obligatus. Hinc, *buta solu-*  
*qui nullum Superiorem, nisi DEVM, agnoscit, nemini tributum*  
*soluere ex lege obligatus est (§. 2.).* *uenda ex*  
*lege est ob-*

§. V. Quicumque nullis subiectus est legibus hu- *sed sola*  
manis, is solis tenetur legibus diuinis, per rationem *lege natu-*  
nobis promulgatis. Hinc, *quicumque neminem Superio-*  
*rem, nisi DEVM, agnoscit, sola adstrictus est lege natu-*  
*rali, a DEO per rationem omnibus patefacta (§. 2.).* *rae obstrin-*  
*gitur.*

*Dum hominem, qui nullum in terris Superiorem, nisi DEVM, agnos-*  
*cit, sola teneri lege naturali per rationem promulgata, dicimus,*  
obstare videntur leges diuinae positivae vniuersales, quibus omnes  
obstringantur homines, licet ex ratione non innotescant. At,  
has recentiores plurimi grauissimis de causis improbarunt, pulchre  
videntes, eiusmodi leges non dari vniuersales positivas non tantum

propter defectum promulgationis vniuersalis, sine qua tamen nullam legem obligare patet; sed potissimum, quia ratione sui obiectiua plane carent; nec de sapientissimo illo Legislatore, DEO, dici potest: ab eo leges proficisci, ratione sui obiectiua destitutas: id quod plurimis annotauit iam allegatus I. TH. C. Cap. XI. §. 20. Conf. coelo recepti THOMASIVS Observ. Hallens. Tom. VI. O. XXVII. & passim in Fundam. I. N. & G. BVDDEVS Theol. moral. part. II. Cap. I.

Eadem ob-  
tinent in sta-  
tu naturali.

§. VI. Dum quilibet, qui statu naturali gaudet, neminem Superiorem, nisi DEVM, agnoscit (§. 1.), ad nullius voluntatem, nisi diuinam, actiones suas conformare obligatur (§. 1.), omnibus solutus est legibus humanis (§. 2.), nulli poenae humanae proprie sic dictae obnoxius (§. 3.), nec ad tributa soluenda ex lege est adstrictus (§. 4.), sed sequi tantum debet rectae rationis ductum (§. 5.).

Status natu-  
ralis con-  
sentit cum  
felicitate  
nostra.

§. VII. Quicumque rectae rationis ductum tantum sequitur, nec vllum in terris Superiorem agnoscit, ille finem suum vltimum, qui est felicitas, multo facilius multoque commodius potest consequi. Quem enim fugit, libertatem hominum naturalem per leges ciuiles ita saepius circumscribi, vt iis, quod vere bonum sibi iudicant, plane non liceat agere? Vt leges poenasque iniustas, a Magistratu, saepius a debita iustitiae via deflectente, constitutas: vt, quibus ciues premuntur, tributorum onera, sicco, quod aiunt, pede praeteream: a quibus quidem omnibus malis immunis est, qui neminem, nisi DEVM, Superiorem agnoscit. *Status ergo naturalem eatenus cum fine hominis, qui est felicitas eius, consentire, patet (§. 1. 6.).*

*Leges ciuiles libertati hominum naturali haud raro officere, ita, vt, quod*

*quod vere bonum iudicant, agere iis non liceat*, id variis comprobari exemplis facillime omnino potest. Si rectam rationem sequi velimus, nihil videtur ob stare, quo minus post triginta annorum spatium dominus rem suam a bonae fidei possessore vindicare possit; siquidem ratio tale tempus non determinat, quod vero legibus Romanis nequaquam conceditur. L. 4. ff. de usufructu. & praesc. Ex rationis praescripto tantum usufructum, quantum pro ratione utilitatis, ex mutuo sumta pecunia perceptae, licet, soluere teneris; id quod vero secundum leges civiles, praecipue ius pontificium, in hac materia valde laxatum, omnino non licet. Ut de matrimoniorum ineundorum libertate, Romani praefulis potissimum astutia admodum restricta, mentionem haud faciam.

§. VIII. *Perfectio* est consensus variorum in ente. et facit ad  
In statu naturali est consensus in dictis iam respectibus perfectio-  
cum fine nostro, qui felicitas est (§. 7.); *hinc status na-* nem no-  
*turalis eatenus ad hominis perfectionem facit.* stram.

§. IX. Ex cognitione perfectionis intuitiva ori- et hinc est  
tur *voluptas*; & quidquid nobis voluptatem creat, id di- iucundus.  
citur *iucundum*. Hinc, quum *status naturalis* in dictis re-  
spectibus ad hominis perfectionem facit (§. 8.), non  
potest non ei, qui illo gaudet, *voluptatem creare*, & adeo  
*status iucundissimus* appellari.

§. X. At, quamvis haec omnia ita speciose sese habe- In statu na-  
ant, plura tamen, eaque graviora, coniuncta cum statu na- turali defi-  
turali incommoda esse, nemo, qui rem paullo expen- cit privato-  
derit curatius, inficias ibit. Ita enim est depravata ho- rum securi-  
minum indoles, ut paucissimi sanae rationis ductum se- tas.  
quantur; plurimi ex aduerso, pravis affectibus indulgentes, omne, quod bonum, iustum, decorum est, abominantur, adeoque in turpissima cuiusque generis flagitia sese ingurgitent, & omnem, quam summo in coe-

lis NVMINI debent, obedientiam negligent plane, atque abiiciant. Quid autem inde aliud oriri potest, quam fraudes, furta, rapinae, caedes, calumniae, stupra, adulteria, & varia iniuriarum genera, quibus optimus quisque semper esset expositus? Et cum iniuriis istis propulsandis singulorum vires haud sufficerent, fieri non posset, quin vitae, rebusque suis semper timere mortales cogerentur. Haec vero incommoda cum statu naturali connexa esse, cumque non potuisse non degenerare in bellum omnium in omnes, inde, quod nullis legibus humanis in eo homines sint adstricti, haud difficulter colligi potest (§. 6.).

Si quis iniiceret fortasse, patremfamilias tot servos omnino, quos ad gentis suae securitatem necessarios esse, cognosceret, Abrahami exemplo Genes. XIV. v. 14. alere & posse facile & debere, is sciat, oppido paucorum id esse non tantum, sed numerosas quoque eiusmodi familias paruas quasi respublicas constituisse. Unde id nobis ob stare non potest, quin recte, statum hominum naturalem dicto securitatis deficientis incommodo laborare, defendatur.

et commo-  
ditas.

§. XI. Nec alia desunt incommoda, quae statum naturalem comitari solent. Innumerus fere rebus ad perfectionem felicitatemque nostram consequendam opus nobis esse, consuevit. Intellectus ab ignorantia atque errorum tenebris; voluntas ab innata vitiis labe, idque aliorum institutione & exemplo liberanda est; siquidem non facile fieri solet, ut homo, se ipso tantum utens magistro, omnes veritates scientiasque non minus necessarias, quam utiles percipiat, bonumque satis a malo distinguere addiscat. Mitto iam alias res, quae ad victum cultumque corporis necessarium, (ut nihil de com-

commoditate nostra dicam,) pertinent, nonnisi coniuncta multorum hominum opera parandae. Hinc, cum homines in statu naturali sine communi in terris Superiore (§. 1.), & hinc singuli extra societatem vivunt, multis rebus, quae ad indigentiam vitaeque commoditatem requiri solent, destituti, nec eam, cuius tamen capaces sunt, perfectionem felicitatemque obtinere possunt.

Patriarcharum exemplum, qui in statu naturali vitam debebant satis commodam atque felicem (§. 1.), hac plane non pertinet. Eorum enim vivendi ratio nostra multo erat simplicior, neque id temporis, genere hominum non ita multiplicato, tantus, quantus hodie, rerum apparatus ad vitae necessitatem commoditatemque requiri consueverat. Confer. WOLFFIVS in Philos. Polit. §. XII. Multo minus ad bruta prouoces, eaque suo more, licet societatem ineant nullam, satis tamen bene viuere, contendas: alia enim brutorum, alia hominum ratio est; ea intellectu ac voluntate carent, corpusque pellibus ab ipsa natura tectum gerunt, cetera quod plane aliter se in hominibus habet.

§. XII. Singuli homines ac familiae in statu naturali viuentes, neque securitatem, neque vitae commoditatem ex animi sententia obtinere queunt (§. 10. II.). Contra, si plures familiae societatem coeunt, & communis securitas & vitae commoditas, vel verbo, *salus communis* multo facilius obrineri atque stabiliri potest; siquidem vis vnita ad iniurias propellendas fortiorprehenditur, & quae ad vitae necessitatem eiusque commoditatem pertinent, viribus coniunctis a pluribus, quam a singulis, multo praestari possunt facilius. Quae vero comoda, ex vita hominum sociali emergentia, quum consentiant cum fine hominis, i. e. felicitate, adeoque

Hinc opus  
fuit socie-  
tate.

que ad perfectionem hominis faciant (§. 8.); & primum legis naturae principium sit: *Fac ea, quae tuum aliorumque statum perfectiorem reddunt*, sequitur, omnino ipsa lege naturali homines, ad societatem communis salutis, i. e. securitatis commoditatisque causam ineundam, esse obligatos.

Egregie utramque hanc rationem societatum, ab hominibus ineundarum, iam olim perspexit LACTANTIUS de opificio DEI: *Homo, inquit, si haberet ad propulsanda pericula suppetens robur, nec ullius alterius auxilio indigeret; quae societas esset? quae reuerentia inter se? quis ordo? quae ratio? quae humanitas? aut quid esset deterius homine? quid effratius? quid immanium? sed quoniam imbecillus est, nec per se potest sine homine vivere, societatem appetit, ut vita communis & ornatior fiat, & tutior.* Eaeasdem rationes status socialis naturali singulorum praeferendi adduxerunt WOLFFIUS Pol. §. 210. seqq. & ante eum PUFFENDORFIUS de Iure Nat. & Gent. Lib. VII. C. I.

et statu  
civili.

§. XIII. Status hominum, ubi plures familiae ad communem securitatem vitaeque commoditatem societatem colunt, dicitur *status civilis seu respublica*. Hinc ipsa ratio hominibus suavit, ut, rebus ita se habentibus, statu naturali relicto, *statum civilem seu rempublicam constituerent* (§. 12.).

Quidquid, inquit, ad perfectionem hominis facit, illud non est relinquendum (§. 12.); status naturalis facit ad perfectionem hominis (§. 8.), Ergo relinquendus non est. Status quidem hominum naturalis facit ad perfectionem nostram in iis, quae supra (§. 6. 7. 8.) demonstrata sunt; sed in aliis respectibus aliae, eaeque maiores, imperfectiones cum eo coniunctae sunt (§. 10. 11.). Parum enim iuvabit, ut ad alterius voluntatem actiones nostras conformare non obligati, & ab omni hominum poena, ab omni tributorum genere immunes simus, si propter malitiam hominum in perpetuo vitae rerumque nostrarum periculo versari cogamur, rebus, ad vitae indigentiam commoditatemque pertinentibus



tibus plane, vel maximam partem destituti. Vnde, quum ex praescripto legis naturalis ea, quae nostrum aliorumque statum perfectiorem reddunt, facere, & hinc bonum maius minori praeferre debeamus, sequitur, ut statum civilem, quia maiorem in se comprehendit perfectionem, statui naturali anteponamus. Originem vero rerum publicarum non historice, sed philosophice considerare, nobis mens est. Facile enim concedo, respublicas multas olim forte tyrannide potentum, alios vi & armis sibi subiicientium, esse ortas. Illud quidem vnicum, ceu notatu dignissimum, quod IACOB. PERIZONIVS in orig. Babylon. C. XII. p. 227. seqq. de primae civilis societatis origine satis probabiliter refert, silentio praeterendum haud puto, cum ex eo observare licet, vel ferat bestias socialis hominum vitae ansam praeuisse. *Summa historiae est, inquit, quod metuebant, (sermo quippe est de extruendae turris Babylonicae ratione,) ne dispergerentur in, vel ex ea terra, quam habitationi suae prae aliis elegerant, atque ita a se invicem diuellerentur. - - - Ipse HOBBIUS L. I. C. I. de ciue in notis largitur, homini per naturam solitudinem perpetuam molestam esse, immo homines alterum alterius congressum, natura cogente, appetere, quia infantes ad viuendum, adulti ad bene viuendum, aliorum ope indigeant. - - - Opera igitur haec tanto iustior apparebit, & probabilior, si cogitetur, non simplicem fuisse eam solitudinem & oberrationem, quam adeo horrebant, sed cum periculo coniunctam maximo A FERIS BESTIIS, quae in solitudinibus vagari, grassarique in homines, in iis deprehensos, solent. - - - Metuebant ergo & illi, qui pauci adhuc erant in orbe terrarum, summo iure, ne facti per fortuitos errorum casus prorsus singuli, praeda quoque fierent ferarum. Non temere haec dici, seu non temere in hac DISPERSIONIS cauendae historia poni meum. ferarum, concedent facile, qui mecum perpenderent, ex earum venatione & caede primis temporibus praecipuam gloriam, vbiuis gentium ortam, immo complura earum, homines & armenta infestantium, in ipso veteris scripturae codice reperiri exempla. Neque vero dubito, quin hoc ipso tempore Nimrodus ea maxime re sibi existimationem*

B

& glo-

*Et gloriam, vel potius auctoritatem & potentiam inter illos homines comparauerit, quod erat fortis & validus VENATOR coram DEO, Genes. X. v. 9.* Nobis iam sufficiat, statum civilem rationi esse convenientem, paucis demonstrasse.

et in illo  
Magistratu.

§. XIV. Quum respublicae ad communem salutem stabiliendam constituantur (§. 13.); cura illius certis personis est committenda. Illi autem, qui reipublicae salutem & securitatem procurant, dicuntur *Magistratus*; hinc in republica opus est *Magistratu*. Sed patet inde simul, potestatem, quam Magistratus habet, ex pacto, cum populo inito, dependere. Dum enim populus curam publicae salutis tradit Magistratui, simulque obsequium & tributa promittit; Magistratus autem pro virili eam administrandam suscipit; adest inter Magistratum & populum promissum & repromissum, i. e. pactum, quo ipso innititur potestas Magistratus.

Idem de potestate Magistratus, ex pacto cum populo illiusque consensu pendente, contra illos, qui potestatem Magistratus immediate a DEO profectam fingunt, copiosius defenderunt PVPENDORF de iur. nat. & gent. L. VII, C. III. §. 1. seqq. BVDDEVS in Institut. Theol. Mor. P. II, C. III. sect. 7. §. 4. & 15. WOLFFIVS Pol. §. 230. Quin in ipsis etiam regnis patrimonialibus, de quibus agit GROTIUS de iur. bell. & pac. L. I. C. II. §. 11. seqq. & L. II. C. VII. §. 12. & PVPENDORF de iur. nat. & gent. L. VIII. C. V. §. 5. consensum populi intercedere, docet exemplum Aegyptiorum. Significanter hanc in rem scribit GERHARD in Del. I. N. L. III. C. V. §. 61. seqq. *Brevissimis*, inquit, si dicendum, quod res est, expeditum esse potest: imperia introducta esse ab hominibus, & quidem impiis. Interim ea iuri naturali neutiquam contrariari, sed potius ob malitiam hominum necessaria existere, hincque etiam DEO non quidem antecedenter, sed consequenter & ex post facto, secundum nostrum scilicet considerandi modum, approbata fuisse &c.

§. XV.

§. XV. Si cui tradatur cura reipublicae, pollere is debet facultate, decreta ad finem, qui reipublicae salus ac securitas est, obtinendum, necessaria atque vtilia exsequendi. Nemo enim non intelligit, omnem curam sine eiusmodi facultate esse nullam. Hinc, dum Magistratus communem reipublicae curam cum effectu gerere debet (§. 14.), *Magistratus habere debet facultatem, decreta, ad communem salutem necessaria, exsequendi.* Magistratus gaudere debet facultate agendi.

§. XVI. Facultas, i. e. possibilitas aliquid agendi, vel physica, vel moralis est. *Facultas moralis* verbo dicitur *Ius*; moraliter autem possibile dicitur omne id, quod vetitum legibus non est. E contrario facultas physica est facultas agendi omne id, quod per vires animae, corporis, aliarumque rerum fieri potest. Quarum vna sine altera nullius utilitatis est. Quid enim refert, per vires corporis, animae, aliarumque rerum aliquid efficere nos posse, si legibus prohibitum sit? Quid interest, aliquid lege prohibitum non esse, si vires corporis, animi, aliarumque rerum, ad illud praestandum, non sufficiant? Hinc, quia facultas physica sine morali, & haec sine illa nihil prodest; Magistratui autem competere debet facultas, decreta reipublicae salutaria, exsequendi (§. 15.), *Magistratus physicam & moralem agendi, quae reipublicae salutaria sunt, facultatem habere debet.* eaeque physica & moralis.

In datam iuris definitionem consentit PVFENDORF, de Iur. nat. & gent. Lib. I. C. VI. §. 3. *Cauendum*, inquit, *ne pro lege iuris vocabulum accipiamus, quando potestatem aliquid agendi, legibus concessam aut relictam, notat.*

i. e. Imperio.

§. XVII. Facultas physica & moralis, id, quod ad salutem reipublicae facit, existens reddendi, dicitur *Imperium*; *Magistratui igitur non potest non competere Imperium* (§. 16.).

Studio dico: *facultatem physicam & moralem ad Imperium pertinere*. Nam, licet aliquis gaudeat facultate morali, i. e. iure, ea in republica constituendi, quae ad eius salutem pertinent; tamen, si facultate physica, i. e. potentia, ius suum exercendi, destituitur, imperare dici non potest. Pariter, si quis quidem habeat facultatem physicam seu potentiam imperandi, vi armisque populum coercendi, poenas delictis imponendi, tamen, si facultate morali, i. e. iure destitutus, eam exerceat, non pro iusto ac legitimo imperante, sed potius pro usurpatore Imperii habendus, quia, qui ab alieno non abstinere, usurpator dicitur. Hinc patet, facultatem & physicam, & moralem ad Imperium legitimum, ut definiuimus, pertinere. Idem agnuit PVFENDORF de Iur. nat. & gent. Lib. VII. C. III §. 1. *Praesupponimus*, inquit, *ut imperium effectu suo potitur, requiri tum vires naturales, quibus subiectus, si forte, quod iniungitur, detrectare praesumeret, repraesentato aliquo malo possit cogi; tum titulum, ex quo iure aliis praestandum quid, aut omittendum queat iniungi; cui in istis respondet obligatio, eiusdem iussis obsequendi*.

In qualibet republica datur Imperium summum.

§. XVIII. *Imperium*, quod nullum alterum Superiorem agnoscit, dicitur *summum*; *subordinatum* autem, quod Superiorem agnoscit. Ast, quia homines rempublicam constituentes, statu antea gaudent naturali (§. 12. 13.), adeoque neminem, praeter DEVM, Superiorem agnoscunt (§. 1.); totus eorum coetus, quae ad communem securitatem salutemque spectant, existentia reddendi, facultatem habet nulli in terris Superiori subiectam & physicam, & moralem: physicam, siquidem viribus corporis, animae, aliarumque rerum ea, quae ad

ad prouehendam salutem publicam faciunt, praestare possunt: moralem, quando ipsa lege naturali obligantur, inire societatem, & rempublicam constituere (§. 12. 13. 16.). Non potest non igitur concedi; *unicuique rei-publicae integrae summum competere Imperium* (§. 17.).

Potest autem summum hoc Imperium vel penes totum esse populum, vel a populo vni, vel pluribus tribui; & vtrisque ita, vt Imperium ipsum vel aliquibus, vel plane nullis limitibus circumscribatur: vnde variae rerumpublicarum formae ortum trahunt.

§. XIX. Cura, in reipublicae salute eiusque securitate ponenda, inuoluit facultatem physicam & moralem, ea, quae reipublicae saluti inferuiunt, exsequendi (§. 15. 16.), i. e. Imperium (§. 17.). *Hinc, quicumque summam salutis reipublicae curam sustinet, summam habere debet Imperium; & qui subordinatam, illi subordinatum Imperium tribuitur, & vice versa; qui summum tenet Imperium, illi summa salutis reipublicae cura est gerenda* (§. 17.).

Quisquis summum gaudet Imperio, ei etiam competit summa reipublicae salutis cura.

Sic, e. g. si populus ipse summam publicae salutis curam gerat, penes populum: si solus Rex, vel Princeps, penes Regem, vel Principem: si soli optimates, penes eos: si Rex cum optimatibus, vel hi cum populo, penes hos est summum Imperium.

§. XX. *Lex civilis* dicitur regula, ad quam a Magistratu ciues actiones suas conformare obligantur. Quum autem nulla facile respublica sine legibus civilibus deprehendatur, in necessitatem earum inquirendum est. Equidem lex naturae, quid bonum, vel malum, quidque faciendum, vel omittendum sit, per sanam rationem mortales edocet, & per commodum, vel incommodum, per naturam rerum cum actione connexum, eos ad bonum amplectendum, malumque fugiendum obligat;

Legibus civilibus in republica opus est.

Ratio I.

at, quotusquisque est, qui rationem ita sibi excolendam ducat, ut bonum satis a malo distinguere possit? Fac, nonnullos etiam, ratione exulta, a bono malum distinguere posse; ea tamen in illis malitia, prauisque affectus vehementia est, ut, abiecta omni obligatione naturali, in omne vetitum magno conatu ruant. Hinc respublica, bene constituta, legibus civilibus carere nequit, partim ut rudiores officiorum eo melius admoncantur, partim ut legi naturali aduersantes ipsa poena civili, qua prauis hominum affectibus multo facilius, quam poena naturali frena iniiciuntur, a vitiis & flagitiis arceantur, & ita, quod virtutis amore recusabant, formidine poenae praestare cogantur. Hoc accedit, quod, si secundum legem naturalem solam, licet in se sufficientissimam, omnia essent diiudicanda, multae lites & controuersiae propter malitiam hominum, genuinas negotiorum condiciones occultantium, nunquam ferme possent componi. Hinc ad finiendas componendasque controuersias legibus opus est civilibus, quibus, licet interdum iniuria quaedam admitti videatur, maius tamen malum, ex litibus perpetuis oriturum, auertatur. Rationi enim conueniens est, si singulae obtineri non queunt perfectiones, maiorem minori praeferrere debere. Denique ipsi iudices civiles, proh dolor! in lege naturali haud raro ita sunt hospites ac peregrini, ut secundum eam, praesertim in casibus difficilioribus, ius dicere haud queant; unde legibus civilibus, tanquam norma, opus est, secundum quam & ius quaerentibus dicant, & poenas sumant de legum transgressoribus. Conf.

WOLFFIUS Pol. §. 401.

Vt

Vt rem exemplo illustrem, cum, *ex sola naturae lege, licet in se sufficientissima, de multis controuersis constitui posse, in ratione secunda negauerim*, mecum consentientes facile habebō omnes, qui considerauerint, ex lege naturali tantum vsurarum creditori solui debere, quantum pro ratione vtilitatis, ex creditoris pecunia acquisitae, potest debitor. vid. WOLFF. Moral. §. 941. seqq. & qui, quod ad hoc exemplum attinet, in primis nominandus, GERHARD. NOODT. de Foenor. & vsur. L. I. C. VI. seqq. Opp. T. I. p. 186. seqq. Quando itaque satis notum est, quantum vtilitatis sibi debitor comparauerit, & quantaē sint creditoris opes, haud difficulter ex adducto principio, quantum vsurarum soluendum sit, potest diiudicari. At, quamdiu, quaeſo, partes hic litigabunt, antequam de vera commodi percepti summa constet? Et quoties fieri poterit, ut, necessitate adductus, debitor, iniquam plane, & cum summo rerum suarum damno coniunctam vsuram creditori promittat? Hinc lege opus fuit civili, quae, medium seruans, certam vsurarum summam ad tempus certum pro quantitate pecuniae, mutua acceptae, determinaret. Licet igitur ex lege ciuili quidam debitores, maiorem quandoque vsuram pendere, teneantur, quam commodè possunt; & quidam creditores minores vsuras accipiant, quam debitor pro vtilitate soluere potest, adeoque quaedam iniustitia secundum legem naturae admitti videatur; litibus tamen, alias inde orituris, hoc pacto facillime obuiam iri potest. Darem aliud de maiorenitate exemplum, nisi pro ratione instituti ad alia esset properandum. Conf. TREVER. ad Pufend. de Offic. H. & C. L. II. C. XII. §. 3. & 6.

§. XXI. Non desunt equidem viri, fama eruditio-  
nis florentissimi, qui, dum legem naturae de multis ho-  
minum negotiis, vtrum bona ac iusta, an mala & iniu-  
sta sint, non satis accuratè constituere, arbitrantur, le-  
gibus ciuilibus in supplementum legis naturalis opus  
fuisse, contendunt. A quorum vero sententia pace eo-  
rum discedere nobis liceat. Sane, quaecunque in hoc  
vniuer-

An leges ci-  
uiles sint in  
supplemen-  
tum legis  
naturalae.

vniuerso deprehenduntur, a DEO condita, vel permis-  
 sa sunt, vt ad gloriam suam manifestandam siue directe,  
 siue indirecte, faciant. Iam, quum actiones nostrae libe-  
 rae etiam ad vniuersum praelens pertineant, illae quo-  
 que ad DEI gloriam manifestandam aliquid conferre  
 debent: quod autem fieri non potest, nisi aliquis semper  
 euentus actiones nostras liberas consequatur: & talem  
 consequi, quotidiana etiam testatur experientia, siue il-  
 le sit extra nos, siue in nobis, dum minimum hic actio-  
 nis euentus se exerit, vt dispositio & habitus, actionem il-  
 lam facilius repetendi, nobis concilietur; siquidem actione  
 saepius repetita, dispositio & tandem habitus oritur. Euen-  
 tus autem ille, qui sequitur liberam actionem, vel ad perfe-  
 ctionem nostram, vel ad imperfectionem facit, quia inter  
 haec duo repugnantia tertium inueniri nequit: si ad per-  
 fectionem nostram facit, est bonus, & conuenienter actio  
 ipsa bona est; si ad imperfectionem nostram facit, est malus,  
 & hinc actio mala, quod ex definitionibus boni malique  
 innotescit. Cum igitur ex omni actione nostra libera  
 alteruter euentus resultet, per supra demonstrata, *amnem*  
*actionem nostram liberam vel bonam vel malam esse*, conce-  
 dendum est. At lex naturae praecipit, vt omnia, quae  
 nostrum aliorumque statum perfectiorem reddunt, i. e.  
 bona faciamus, &, quae illum imperfectiorem reddunt,  
 i. e. mala omittamus, (siquidem hoc primum legis na-  
 turalis principium est); hinc *lex naturae ubique praecipit,*  
*quid agendum, quidue omittendum sit.* Nam, si alius modi  
 res esset, actiones quaedam superesse deberent, quae nec  
 bonae, nec malae essent, de quibus vtique lex natura-  
 lis, bona tantum praecipiens & prohibens mala, nihil  
 con-



constituere posset; sed eiusmodi actiones per demonstrata esse non possunt. Cum igitur lex naturae, quid agendum, quidque omittendum sit, in omnibus casibus obuiis praecipiat, omni iure dicitur *sufficientissima*; & hinc, *leges civiles in supplementum legis naturalis latae fuisse*, nequaquam potest defendi: id quod bene annotauit WOLFFIVS Mor. §. 14. 19 27. & Pol. §. 401. Legem autem naturalem nondum in omnibus casibus adhuc satis esse erutam, ipse citatus WOLFFIVS Mor. §. 27. fateatur. Quae autem huius rei causa sit, apprime & rectissime dicitur a TREVERO ad Pufend. de O. H. & C. L. II. C. XII. §. 6. vbi, legem naturae, tenebris & difficultatibus circumdatam esse, & nunc quoque nonnullis tenebrosam videri, exinde provenire, ostendit, quod superstitio, conscientia erronea, praecidia auctoritatis, subtilis & occultus probabilismus, passionum dominantium imperium apud multos normas, regulasque agendi designent, & praeceptis iuris naturae admisceant; quod iura diuina positiua, civilia, & canonicum legi naturali confundantur, & per neglectum studii moralis non accurate secernantur.

Afferui, *omnem actionem liberam, vel bonam esse, vel malam, & hinc, non dari actiones indifferentes, i. e. quae nec bonae, nec malae dici queunt.* Negamus autem *actiones indifferentes*, 1) *si sub circumstantiis singularibus considerentur.* Etenim, si in genere, & sine circumstantiis singularibus spectentur, multas, e. g. saltare, exspatiari, & sic deinceps, indifferentes esse, conceditur. 2) *absolute tales, non respectiue.* Nam, cum emolumentum aut damnum, quorum alterutrum liberas nostras actiones sequitur, vel maius, vel minus soleat esse, (quo pertinent, quae de quantitate relatiua actionum tradit PYFENDORF de iur. nat. & gent. Lib.

I. C. VIII. §. 5.) saepe tam exiguum id esse potest, ut respectu maiorum negotiorum atque actionum fere non attendi queat; quale exemplum esset, si quaeratur; utrum dextrum pedem prius mouere debeam, an; sinistrum? Eiusmodi igitur actiones pro indifferantibus, sed *respectiue tantum, non absolute*, & in se possunt haberi, ut I. TH. C. in usu Philos. Leibn. & Wolff. in Th. Cap. XI. §. 17. obseruauit. Quod si vero quis, leges ciuiles in supplementum iuris naturalis latas fuisse, asseruerit hoc sensu, quod salus per legem naturae quidem in se decisi, attamen in applicatione propter malitiam hominum decisi admodum difficiles, per leges ciuiles facilius decidi, & hac ratione lites componi possint debeantque, accedo omnino ad eius sententiam (§. 20. n. 2.).

Imperium  
summum  
summam  
leges ferendi  
potestatem  
inuoluit.

§. XXII. Dum respublica ad communem salutem & prouehendam, & stabiliendam legibus carere nequit ciuilibus (§. 20.), licet lex naturae in se sufficientissima sit (§. 21.); cura communis reipublicae salutis obtinendae efficax inuoluit potestatem leges ciuiles ferendi, eamque vel summam, si cura illa, quam quis gerit, summa sit; vel subordinatam, si cura, quae geritur, Superiori subordinata sit. Iam, quum ille, *qui summo Imperio gaudet*, summam reipublicae salutis curam gerere, obligatus sit (§. 19.), *summa quoque leges ferendi potestate gaudeat, necesse est.*

Necessitas  
poenarum  
in re-  
publi-  
ca i) in  
constitu-  
tione.

§. XXIII. Lex ciuilis est regula, ad quam Magistratus ciues, actiones suas conformare, obligat (§. 20.). At, quia obligatio in connexionem motiuorum cum actione (§. 2. not.), & motiuum in repraesentatione boni, vel mali, qua voluntas, vel inclinatur ad aliquid agendum, vel ab agendo reclinatur, consistit, facile inde intelligi potest, in omni lege ciuili repraesentationem boni, vel mali, i. e. praemii aut poenae cum actione debere

bere esse coniunctam. Repraesentatio boni obtinendi cum actione suscipienda quidem connecti potest, si ab vno quodam, vel paucis actio suscipienda sit, vti, e. g. Princeps praemium ei solet proponere, qui furtum commissum manifestauerit, vel hanc aut illam novam veritatem ostenderit. Verum enim vero, si actio ab omnibus suscipienda est, vel omittenda; si e. g. vt nemo furetur, Legislator praecipit; nimis pretiosum ac molestum foret Principi, per praemia populum ad obsequium, legi praestandum, allicere. Hinc, quia commode non potest fieri, vt Legislator per repraesentationem praemiorum obligationem, quam leges civiles inuoluere debent, impetret, nec tamen haec sine obligatione esse possunt, *sine poena lex civilis consistere non potest* (§. 3.). Cui accedit, quod Princeps, praemia proponendo, non agat vt Princeps, sed vt priuatus, quia idem priuato licet.

Non arbitror, fore, vt quis in dubium vocet, *nimis pretiosum & molestum futurum esse Principi, si per praemia populum ad obsequium, legi praestandum, allicere vellet.* Nam praemia essent, vel opes, vel honores, vel aliae immunitates, quae oblique ad haecce fortunae bona facerent. Sed, nec opes omnibus conferre potest Princeps, quia ad bonum commune stabiliendum atque obtinendum ipse per se iis opus habet: neque honores, quia hac ratione honor non amplius esset perfectionis internae hominis, quia vnus praestat alteri, documentum externum, quod tamen esse debet, vti WOLFFIVS Moral. §. 611. & 612. & Pol. §. 397. ostendit. Minime itaque ordinarie fieri potest, vt per praemia Princeps populum ad obsequium obligare queat; & hinc, dum nihil amplius restat, quam poena, quo obligari ciues possunt, lex civilis poena nequaquam carere potest. Tandem inter legem civilem & naturalem hoc etiamprehenditur discrimen, vt illa, quantum ad su-

perius disputata attinet, tantum per poenas obliget; haec vero etiam per praemia a quolibet, qui ipsi obsequium praestet, obtinenda.

2) in executione.

§. XXIV. Non vero, poenam solum lege constituisse, suffecerit; sed cum rigore etiam in transgressoribus exercendam esse, facile patescit. Nam, si poena, quam Legislator transgressoribus minatus est, non datur effectui; nemo poenas illas magnopere perhorrescet, nec earum consideratione ad officium, rectius praestandum, commovebitur; sed quilibet, ad aliorum exempla respiciens, sibi quoque, licet legem transgressus fuerit, Legislatoris gratiam pollicebitur. Vnde fiet, ut non solum perinde sit, ac si lex lata non esset; sed hoc ipsum cum magno auctoritatis legum, Legislatoris, & publicae salutis periculo esset coniunctum. Hinc satius nos esse ducimus, Principem poenam mitiorem in malas civium actiones constituere, eamque cum omni rigore exsequi, quam duriores, postea saepius mitigandam, immo remittendam.

Imperium  
summum  
involuit  
summam  
puniendi  
potestatem.

§. XXV. Quia Imperium summum summam involuit leges ferendi potestatem, & subordinatum etiam subordinatum (§. 22.), lex autem civilis sine poena nequit consistere (§. 23. & 24.), fieri haud potest, *quin, qui summum gerit Imperium, summa quoque gaudeat potestate, legum transgressores puniendi*; & qui subordinatum tenet, poenas quoque sumendi, potestatem habeat subordinatam.

Et hinc ius  
vitae &  
aeternae.

§. XXVI. Natura nihil homini vita melius, nihilque perfectius tribuit. Nam simul ac vita priuamur, omni alia, quae in mundo obtineri potest, perfectione priuamur. Et, cum omnis alia huius vitae perfectio ipsam vitam praelocet, ea est mortalium indoles, ut opes

opes atque fortunas, quas possident, intuitu ipsius vitae, tanquam summae perfectionis, parvi aestimare soleant. Hinc summum poenarum esse gradum, quando vita delinquens priuatur, (qui poenae gradus dicitur *poena capitalis*), extra dubitationis aleam erit positum. Ast, quia salus totius reipublicae sine legibus obtineri nequit civilibus (§. 20.), legesque civiles sine poena sunt nullae (§. 23. & 24.), & hinc ille, qui summum gerit Imperium, summa potestate quoque, transgressores puniendi, gaudere debet (§. 25.); necesse est, *ut summo Imperanti, summa quoque, delinquentes vel ipsa vita priuandi, competat potestas*, si mitiores sc. poenae ad populum in obsequio seu officio continendum, non sufficiant: id quod *ius vitae & necis* dicitur.

Illae potestates aliquid agendi, quae a summo Imperio inuoluuntur, dici solent *regalia*. Vnde facile pater, summam potestatem leges ferendi, ac delinquentes puniendi, ut & ius vitae necisque ex numero esse regalium (§. 22. 25. 26.). At, quamvis plura eiusmodi dentur, e. g. potestas bellum gerendi, pacem faciendi, monetas cudendi, cetera; tamen mittō ea, quia & ratio instituti, & temporis breuitas nos ad alia ducit.

§. XXVII. Dum autem variis poenarum gradus dantur (§. 26.), in quo casu poenae gradum intendi conueniat, inquirendum est. Poena est malum, quod Legislator cum actione, tanquam motiuum illius omittendae, connectit (§. 3.). Hinc pater, quo grauius delictum est, eo maiori grauiorque opus esse poena, ut per poenae grauitatem a grauitate delicti homines auocentur. Grauitas autem delicti ex damno, quod reipublicae inde inferitur, aestimanda est. Sic, e. g. grauius omnino est delictum, alterum data opera occidere, quam

Casus, I.  
vbi poena  
intendenda  
est.

furari, quia per illud vita, per hoc autem bonis tantum priuatur homo. Hinc, si nullus respectus alius esset habendus, is, qui necem alicui attulit, poena grauiori, quam qui furatus est, afficiendus foret.

Casus II.

§. XXIX. Deinde, quum, teste experientia, ii, qui data opera, item, qui ex habitu, vt Philosophi loquuntur, male agunt, multo difficilior, quam, qui aliorum fortasse exemplo & persuasione adducti, item, qui semel, vel bis tantum & casu deliquerunt, a deo vitiorum in viam virtutis reducuntur; poenae autem ciuiles ideo constitutae sunt, vt ciues a malis auocentur atque deterreantur (§. 3. 20.); *grauiori omnino poena afficiendi sunt, qui deliberato animo & ex habitu delicta committunt, quam qui aliorum exemplo commoti, & semel, vel bis tantum, idque saepius ex praecipitantia, vel leuitate animi, & casu delinquant.*

Casus III.

§. XXIX. Denique, licet iam graues in republica poenae delictis quibusdam constitutae sint; tamen fieri non raro solet, vt plures in ea non sine maximo reipublicae salutis detrimento ruant. Hinc apparet, poenam constitutam aut cum rigore adhuc non exercitam, aut nimis mitem positam fuisse. Si prius, obseruanda sunt, quae §. 24. adduximus; sin posterius, grauior omnino poena constituenda est, quia per ipsam poenam ciuilem a delictis ciues sunt absterrendi (§. 3. 20.).

Sic apud Iudaeos poena furti erat restitutio dupli, quadrupli, quintupli, Exod. 22. v. 1. seqq. septupli, Prov. 6. v. 31. pro ratione sc. rerum inuitis dominis ablatarum, quae etiam, quia hoc delictum apud eos fortean non admodum frequens erat, tunc temporis sufficebat; apud nos autem minime sufficeret, quum homines nostra aetate multo magis ad furta & rapinas committendas

das

das, procliues sint. Memorabile quid exhibet nobis Romana anti-  
 quitas. Decemviri in XII. Tabb. latione ob oris percussione aſi-  
 amue iniuriam non amplius viginti quinque aris gravis poenam  
 conſtituerunt, quæ pro temporum illorum ſuopia non erat for-  
 taſſe tam levis, ve merito reprehensione digni iudicari poſſent.  
 vid. tamen A. GELL. L. XX. Noſt. Attic. c. I. Proſatis vero Ro-  
 manorum ſinibus, auſtaque vrbe ſpoliis, & opibus exterorum,  
 viluit ea poena. Quem enim iactura XXV. aſſium ab iniuria in  
 tanta opulencia reuocaſſet? Vnde quid mirum, ſi L. Neratius, ho-  
 mo egregie improbus, homines & leges adeo ludibrio haberet, vt  
 obuiorum os palma percuteret, oblati continuo XXV. aſſibus per  
 ſeruum, quem pecunia onuſtum ſecum circumferebat? cum igitur  
 ea poena contemneretur, coeperunt a prætoꝛe iudices iniu-  
 riis æſtimandis dari. GRAVIN. in Orig. I. C. p. m. 364. plu-  
 ra collegit THOMAS. de naeuſis Ipr. ante- Iuſtinian. quem  
 pretium erit ſublegere. Quum autem, ſi plures in quoddam de-  
 liſſum ruant, eidem grauiorem poenam imponendam eſſe, conten-  
 dimus: loquimur quidem de pluribus, ſed tamen de ſingulis, ſe-  
 orſim conſideratis, a quibus eiſmodi deliſſum frequenter com-  
 mittitur, e. g. ſi crimen duelli, vel ſurti, vel aliud huius gene-  
 ſis frequens eſt. Quid autem de pluribus, coniunctim ſumtis &  
 ſocietatem aliquam conſtituentibus, ſive, quando vnũuerſitas quæ-  
 dam aliquod deliſſum committit, ſtatuendum ſit, capite  
 ſequenti accuratione qua fieri poterit,  
 pertractandum eſt.

CA-

## CAPVT II.

### GENVINAM DECIMATIONIS CONDI- TIONEM PROPONENS.

#### §. XXX.

Quid vni-  
uersitas &  
delictum.

**C**oetus eorum, qui, ad certum finem obtinendum, in societatem coeunt, dicitur *vniversitas*. Hoc sensu ciuitas appellatur vniversitas, quia est coetus ciuium, qui ad communem securitatem vitaeque commoditatem stabiliendam societatem ineunt. *Delictum* autem omnis ea dicitur actio, qua quis legem transgreditur. Hinc quia legis transgressionem sequi debet poena (§. 24. seqq.), poena consequens delicti debet esse, non innocentiae, quia alias innocens non praestaret delinquenti.

Plures autem vniversitatis species dari, per transennam indicasse, sufficiat. conf. TITIVS in *Specim. Iur. Publ. L. VII. C. VII. §. 19.* BOEHMER in *Iur. Publ. Vniuers.* Part. Spec. L. I. C. III. HVBER. de *Iur. ciuil. L. II. S. III. C. I. seqq.*

Casus varii  
in delicto  
vniversita-  
tis.

§. XXXI. Delictum, ab vniversitate quadam commissum, varii omnino generis esse potest. Aut enim quidam innoxii in toto coetu deprehenduntur, aut omnes delicti rei sunt. Si omnes deliquerunt, aut vnanimi consensu & proprio ausu deliquerunt, ita, vt delictum omnium aequale sit; aut quidam ab aliis, v. g. persuadendo, vi, exemplo &c. incitati, & hinc reliquis minus deliquerunt. Pariter, aut liquet, quinam sint innocentes intermixti reliquis, & quinam ex toto coe-



coetu grauius, qui leuius deliquerint; aut vtrumque non liquet.

§. XXXII. Si innocentes quidam reis sunt intermixti, & de vtrisque ita constat, vt a se inuicem separari queant, facile patet, innoxios, si poena sumenda est, a reis separandos esse, siquidem poena delictum sequi debet, non innocentiam (§. 30.). Pariter, si ex multitudine delinquentium quidam grauioris delicti noxii sint, & a reliquis, leuioris delicti reis, separari queant, illi omnino grauiori poena, his, afficiendi sunt, quia poenae grauitas grauitate delicti metienda est (§. 27.). Quod si vero omnes aequaliter delictum, capitis poena, lege ita volente, multandum, perperrasse, constet, aut omnes, aut nulli, aut quidam tantum poena capitali sunt afficiendi; & si quidam tantum morte puniendi sint, reliquos vel omni vel certo saltem respectu impunitos dimitti, oportet.

Quid in illis faciendum?

Dum dico: si quidam modo poena capitali afficiendi sint, reliquos vel omni, vel certo respectu impunitos esse dimittendos, nostra mens haec est: Omni respectu impuniti dimittuntur reliqui, si non solum poena capitis ipsis remittitur, sed deinde etiam cum iis, qui non commiserunt delictum, simili fruantur sorte: certo respectu reliqui impuniti dimittuntur, si capitis absoluti, fustibus saepe mulantur, aut tenui victu sustentantur, aut ad labores multo duriores, quin & illiberales atque probrosos quandoque destinantur, aliisque modis plectuntur.

§. XXXIII. Respublica ad communem salutem atque securitatem obtinendam legibus carere nequit ciuilibus (§. 20.); leges autem sine poena nullius momenti sunt (§. 23.), & poenae cum rigore sunt exsequendae (§. 24.). Hinc fieri non potest, ut ex vniuersitate non est.

Omnibus grauius delinquentibus ex vniuersitate poena remittenda non est.

*estate civium vel militum, gravius delinquentes, NEMO puniatur.* Ita enim leges non minus, quam poenae in republica frustra essent constitutae, & spe impunitatis nimium delicta crescerent non sine maximo reipublicae detrimento; prouti CICERO pro Milone C. XVI. *spem impunitatis maximam peccandi illecebram* adpellat.

Nec tamen  
omnes affi-  
ciendi sup-  
plicio.

§. XXXIV. E contrario, si accidat, ut plures, vel universitas civium vel magnus militum numerus delictum aliquod capitale committat, ordinaria mortis poena omnes multare, non minus cum reipublicae salute, quam eius utilitate pugnat. Magistratus ad salutem securitatemque reipublicae obtinendam habere debet facultatem non tantum moralem, i. e. ius, sed etiam physicam, i. e. potentiam, decreta reipublicae salutaria exsequendi (§. 16. 17.). Sed *potentia Principis*, ut bene observavit WOLFFIVS Pol. §. 444. *duobus his absoluitur; ut pecunia abundet, & populo*, ad quem ciues pertinent, & milites. In militum copia magnam potentiae Principis partem positam esse, facile intelliget, qui expenderit, non solum eos, qui debitum detrectant obsequium, vi armisque coercendos, sed etiam hostium insultus a populo militum robore propellendos, & ita securitatem terrarum atque salutem procurandam esse. Sed, quum Principi etiam opus pecunia sit, ut non solum milites conscribere, sed stipendium illis etiam solvere, ut splendorem Maiestatis suae tueri, ut illis, quorum opera ac studio in administranda republica utitur, quae ad victum cultumque corporis pertinent, suppeditare, ut aedificia publica exstruere, ut denique scholas atque academias condere atque conservare queat; non mino-

rem

rem potentiae partem in pecuniarum copia consistere, apparet. Sed tantum, quantum satis est, pecuniae conquirere, ut & exercitum conscribere, non facile & semper potest Princeps sine eximio ciuium numero. Hinc quoque ciuibz in republica opus esse, quilibet, vel me non monente, videt. Idcirco *Principi in id allaborandum atque enitendum sedulo est, ut & pecunia abundet, & populo.* Ast, si in vniuersitatem magnam ciuium vel militum peccantem nimia seueritate ruere, omnesque trucidare vellet, se ipsum ciuibz vel militibus priuaret, adeoque non minima potentiae necessariae parte exueret; quod quo minus fiat, obstat salus Reipublicae, potentiam Principis requirens (§. 16. 17.). Hinc *fieri non debet, ut, si vniuersitas ciuium vel militum delinquat, OMNES capitali poena afficiantur.*

Bene hanc veritatem de vniuersitatibus peccantibus non in vniuersum delendis, iam perspexit SENECA Lib. II. de ira Cap. X. *In singulos, inquit, seueritas Imperatoris distringitur: at necessaria venia est, vbi totus deseruit exercitus. Quid tollit iram sapientis? turba peccantium. Intelligit, quam iniquum sit & periculosum, irasci publico vitio.* Et memoria dignum est illud EPICETI Lib. III. Cap. IV. *Nonne agricolae Ioui maledicunt, cum ab illo impediuntur? Nautae non conuiuantur? Nunquid maledicere Caesari desinunt? Ignorabat hoc Iupiter? non renunciatur Caesari, quid dicatur? Quid ergo facit? scit, si omnes conuiciatores supplicio afficeret, se, quibus imperaret, non habiturum* Notatu digna sunt quoque ea, quibus SENECA Librum I. de clementia finit: *Haec, inquit, diuina potentia est, gregatim ac publice seruare; multos autem occidere & indiscretos, incendii ac ruinae potentia est.*

§. XXXV. Si vniuersitas ciuium vel militum gra- Sed aliqui  
uiter delinquit, nec salus reipublicae patitur, ut nulli tantum.

afficiantur supplicio (§. 33.), nec ut omnes (§. 34.). Cum autem vel omnes, vel nulli, vel aliqui puniendi sint (§. 32.); euidens est, *ALIIQVOS tantum in hoc casu esse puniendos.*

Nempe: *aliqui tantum morte multandi sunt*, si grauitas delicti, quod admisit vniuersitas, poenam postulet capitalem. Nam, si delictum non ita graue est, sed tantum poena ciuili & leuiori puniendum, omnes, qui huius delicti rei sunt, omnino poena, lege constituta, affici possunt. Varios eiusmodi vniuersitatem delinquentem puniendi modos adducit PVFENDORF de Iure nat. & gent. Lib. VIII. Cap. III. §. 28. si nimirum singuli bonis multantur; si vniuersitati ob delictum publicum publica quoque bona adimuntur, puta, muri, naualia, naues bellicae, arma, aerarium, agri publici, priuilegia. Sic THEODOSIVS publicum delictum Antiochenorum, qui ob indictionem noui tributi statuas Imperatoris, in foro sitas, euerterant, puniuit interdicto ipsis theatri & balnearum vsu, & adempto vrbi nomine metropoleos, quo antea gaudebat. HERODIANVS L. III. C. VI. Et integrae prouinciae infamatae exemplum est in L. 9. C. Theodos. de indulgent. crimin. add. L. 5. C. Theodos. eod.

Decimatio  
quid sit?

§. XXXVI. Poena, qua decimus quisque supplicio afficitur, vocatur *decimatio*.

Pari ratione, quid vicefimatio, tricesimatio, centesimatio, cetera, sint, facile hinc intelligitur.

Decimatio  
est admit-  
tenda.

§. XXXVII. In decimatione decimus quisque, & hinc aliqui delinquentium vita mutantur (§. 36.). Hinc, dum ex vniuersitate ciuium vel militum delinquentium aliqui tantum supplicio afficiendi sunt (§. 35.), decimatio est admittenda; licet aliae cognatae species, vicefimatio, tricesimatio, vel ipsa centesimatio possint pro re nata etiam adhiberi.

Vti decimationem delinquentium rationi conuenientem esse, demonstrauimus; sic non desunt exempla illius varia, ex vetustioris

ris aequae ac recentioris historiae monumētis petita. Antiquissimum, quod inuenire potui, decimationis exemplum, quod quidem ad Romanos attinet, tradit LIVIVS Lib. II. *Appius Claudius Consul*, inquit, *aduocata concione*, inuectus haud falso in proditorem exercitum militaris disciplinae, desertorem signorum; ubi signa, ubi arma essent, singulos rogans inermes milites, signo amisso signiferos; ad hoc centuriones duplicariosque, qui reliquerant ordines, virgis coesos securi percussit. Cetera multitudine, sorte decimus quisque ad supplicium lelli. Pariter Antonius, quum Medi vallum adgressi terruissent propugnatores, indignatus decumauit eos, qui locum deseruerant: diuisos enim in decurias sortitus est, ita, ut decimum quemque afficeret supplicio; reliquos pro frumento pauidi bordeo, teste APPIANO Rom. Histor. de bellis Parth. pag. 275. edit. Amstelod. de anno 1670. Idem Lib. I. de bellis ciuilibus pag. 705. refert: *Licinium Crassum*, productis in aciem omnibus legionibus, quum male pugnatum esset, tum demum decimasse, nihil deterritum multitudinem, quod sic deperirent ferme IIII. M. Eodem modo Iulius Caesar, seditione militum exorta ad Placentiam, totam nonam legionem decimare volebat, idque aegre cunctanterque exoratus, haecenus poenam remittebat, ut ex CXX. solis, qui praecipui seditionis auctores videbantur, in duodecim sorte dueltos animaduerneret, prout APPIANVS testatur Lib. II. de bellis ciuilibus pag. 750. & 751. Nec praeter eundem est exemplum memoratu dignum, quod idem APPIANVS Lib. II. de bell. ciu. pag. 766. de Iulii Caesaris militibus, qui ex praelio Dyrrachino, contra Pompeium M. ante insignem istam cladem in campis Pharsalicis facto, aufugerant, adducit; diuinitus, inquit, caeli poenitentia peccatum agnoscebant, & Imperatore clementer incusante, utroque dante veniam, tanto minus sibi ignoscebant, sed mirum in modum mutati deposcebant decimationis ex more patrio supplicium. Simile exemplum Lib. II. de bellis ciu. pag. 796. apud APPIANVM reperitur, ubi postulant milites a Caesare, ut in decimum quemque capitaliter more maiorum animaduerneret. Pariter exemplum centesimationis obserua-

Decimationis exempla

mus in Opilio Macrino, qui, CAPITOLINO teste, cum seditiones militares pateretur, multos sacpius decumauit, aliquando etiam centesimauit, quod verbum proprium ipsius erat, cum se clementem diceret, quando eos centesimaret, qui digni essent decumatione vel vicefimatione. Omitto in praesenti alia decimationis exempla, quae passim apud scriptores antiquiores SVETONIVM in vita Augusti Cap. XXIV. PLVTARCHVM in vita Dionis & Antonii, aliosque reperiuntur, ex quibus omnibus satis patet, tam usitatum apud Romanos fuisse decimationis potnam, ut pro lege patria haberetur. Sic milites Iulii Caesaris, de quibus paullo ante diximus, ex more patrio, & alio tempore, more maiorum decimationis deposcebant supplicium. Et propriam Romanis istam legem & patriam dixit DIONYSIVS Lib. XI. *Ex alia multitudine*, inquit, cuiusque decuriae vir vnus, quem fors designasset, ante ceteros perit. Ea Romanis patria quaedam punitio est in eos, qui ordines reliquerunt, aut signa deseruerunt. Cum quo facit etiam PLVTARCHVS in Crasso; *πάτριόν τι κόλασμα*, i. e. patriam punitiorem hoc ipsum appellans. Vnde, quando apud APPIANVM de bellis civilibus Lib. II. pag. 750. Iulius Caesar ad Placentiam milites alloquitur: *Ὡς τῷ πατρίῳ νόμῳ*, i. e. lege Petreia & nonae legionis, quoniam ea seditionem maxime coepit, decimum quemque forte ad mortem ducam; ad haec verba haud male, ut nobis quidem videtur, IVSTVS LIPSIVS de militia Romana Lib. V. Dial. 18, commentatur, dum pro τῷ πατρίῳ νόμῳ potius τῷ πατρίῳ νόμῳ, i. e. lege patria, legendum esse statuit, quia Petreius aliquis, a quo haec lex lata sit, in veteri aevo ignoretur. Quemadmodum autem apud Romanos vsu recepta erat decimatio: sic eandem lege in Germania constitutam esse, deprehendimus. Huc omnes fere articuli militares, tam a toto S. I. R. G. quam a singulis statibus promulgati, collineant, uti facile quilibet, cui volupe est, videre potest apud LVNIG, in Corp. Iur. Milit. Des S. N. Reichs, ubi consule indicem, sub artic. *Abtrünnige Trouppen, Aufruhr, Feld-Flüchtige, Meuterey* &c. &c. Mihi vnicum locum ex Iure Milit. Saxo Gothano excerptisse sufficiat, in quo Artic. II. Tit.

TIT. VI. haec ordinantur: Ingleichen sollen auch diejenigen, die, wenn es zum Treffen, oder Stürmen kommt, die Flucht nehmen, ehe sie ihre Seiten-Gewehre gebraucht, und in einen solchen Zustand gerathen, daß sie sich desselben nicht mehr bedienen können, vor dem Kriegs-Recht Rede und Antwort zu geben schuldig seyn, und von den Gemeinen Soldaten allezeit der zehende Mann nach dem Los aufgehänket werden, die übrigen aber ausser dem Lager ohne Fahne liegen, und das Lager, so es unrein ist, zu säubern und zu reinigen schuldig seyn, auch an die gefährlichsten Vöerter commandiret werden, biß sie ihr Verbrechen durch darauf erfolgte männliche Thaten gnugsam gebüßet. Da sich aber bey den Befehlshabern der Mannsgel befinde (es mag gleich der Mangel bey ihne alleine, oder zugleich mit den Gemeinen gewesen seyn), sollen sie vor ehrlöß gehalten, und (*admirare sapientissimi Principis clementiam*) aus dem Lager geinaget werden. *Decimationis aspectu terribilis, & cetera notabilis executionem suscepit anno 1642. Imp. Ferdinandus III. Nam, cum milites eius hand procul ab vrbe Lipsia ad vicum Breitenfeld cum Suecis praelium iniissent, & ab vtrisque ancipiti quidem fortuna per duarum horarum spatium ferme pugnatum esset, accidebat, vt integrae turmae Caesareorum, sicut instructae erant, loco cederent, & sic hoste vehementius instante, omnes ex praelio turpiter excedere tandem cogerentur; quo facto, cognita causa, decimus eorum quisque, a quibus turpissimae fugae initium factum constabat esse, supplicio est affectus. Ipsam Imperatoris sententiam exhibet LVNIG in dem Anhang zum Corpore Iuris milit. pag. 211. seqq.*

§. XXXVIII. Non solum autem ideo, si vniver- Vtilitas decimationis.  
 suas civium vel militum graniter delinquat, decimationi locus esse potest, ne civibus vel militibus respublica nimis priuetur (§. 34. seq.), siquidem is, qui semel deliquit, nihilominus deinde vtile Reipublicae membrum esse potest, trucidatus autem non item; sed aliae quo-

quoque rationes adsunt, quae decimationem omnino suadent. Ex consideratione beneficiorum gratus oritur animus. Non enim alia ratione grati animi virtutem excitare solemus, quam per beneficiorum repraesentationem. Quod si vero ciues vel milites, qui omnes ultimo supplicio afficiendi erant, tantum decimantur, & hinc plurimis vita, qua iure quoque priuari potuissent, donatur, summum cognoscunt, quod hoc modo iis exhibetur, beneficium. Quid aliud inde oriri potest, quam gratus animus? Quid aliud autem gratus animus parere potest, quam summam alacritatem, fortiter constanterque deinceps officium suum exsequendi, & hoc modo pristinum delictum compensandi? Ne dicam, eos, qui ex decimatione supersunt, ad operas viliores & magis periculosas aut tædiosas praestandas posse adhiberi.

Easdem, decimationem suadentes, rationes & testimonia, & exempla veterum confirmant. Eleganter M. TVLLIVS de ista militari consuetudine disserit in Oratione pro Cluentio; *statuerunt ita*, inquit, *maiores nostri, ut, si a multis esset flagitium rei militaris admissum, sortitione in quosdam animaduertetur; ut metus videlicet ad omnes, poena ad paucos perveniret, & statim: Nam miles, qui locum non tenuit, qui hostium impetum vimque pertimuit, potest idem postea & miles esse melior, & vir bonus, & ciuis utilis. Quare ne in bello propter hostium metum delinqueret, amplior ei mortis & supplicii metus est a maioribus constitutus; ne autem nimium multi poenam capitis subirent, idcirco illa sortitio comparata est. Et quod ad alacritatem attinet, fortiter & strenue res suas agendi, a superstitionibus decimatorum expectandam, exemplum notatu dignum Iulii Caesaris post cladem Dyrrachinam, a Pompeio acceptam, narrat APPIANVS Lib. II. de bell. ciu. pag. 766, cuius verba sunt: *Milites poenitentia caeli, peccati**

unum



sum agnoscebant, & Imperatore clementer incusante, vltroque dante veniam, tanto minus sibi ignoscebant, mirumque in modum mutati deposebant decimationis ex more patrio supplicium. Quod, quum remitti sibi viderent, eo magis pudebat admissi dedecoris, in cuius minime oportebat iniuriam, expectabantque ad necem signiferos, quasi non fuissent fugituri, nisi qua signa verterent. Vt vero Caesar, ne hoc quidem passus, vix in paucos animaduertit, ad hanc eius moderationem tanta exorta est alacritas, vt mox clamarent: duceret se in hostem, victoria noua abolituros ignominiam; & vltro catenatim coniurarent, inspectante Imperatore, non nisi viatores se redituros e praelio; Cuius promissi ita etiam erant memores, vt in celeberrima pugna Pharsalica Pompeium, qui paulo ante victor fuerat, penitus acie superarent. Sapienter etiam hanc in rem apud PLVTARCHVM in vita Dionis Lib. 55. Liuius loquitur: Quibus delicti venia est donata, poenitudine ducti, benefactorem laedere in posterum verentur, sed spe consequendi maiora praemia eum suis officiis colunt. Videlicet, qui iniuria affectus, salutem eam inferenti concesserit, eum omnes putant beneficia summo opere compensaturum. Denique superstites ex decimatione durioribus operis adhiberi olim solitos fuisse, testatur POLYBIVS L. VI. τοῖς δὲ λοιποῖς, inquiens, τὸ μέγεθος κριθᾶς διδῶς ἀντὶ πυρρῶν ἔξω κελύει τὸ χόρακος, καὶ τῆς ἀσφαλείας ποιεῖσθαι τὴν παρεμβολήν, i. e. reliquis bordeum frumenti loco admetitur, & extra castra locum adsignat, & vallum securitatis conficere iubet.

§. XXXIX. Dum poena est malum, quod praecedens delictum sequitur (§. 23. 24.), merito, qui vno consensu delictum aliquod aequaliter perpetrarunt, aequali supplicio sunt afficiendi, siquidem ratio videtur nulla, cur hic & ille tantum delictum luant, reliqui vero id inultum ferant. Ast, vniuersitate quadam, eaque maiore delinquente, salus reipublicae, quae suprema in republica lex est, non patitur, vt omnes aequali capitis poena afficiantur (§. 34.), sed decimatione potius,

Decimatio  
forte est in-  
stituenda.

E

aut

aut alia specie poenae cognata in delinquentes animadu-  
vertendum est (§. 37. 38.). Hinc, quia salua salute rei-  
publicae non potest fieri, vt omnes aequaliter capite,  
etiãsi omnes capitũ rei sint, multentur; aequum ta-  
men est, vt omnes mortis metu aequaliter percellan-  
tur, vtpote quod salua reipublicae salute potest fieri,  
conuenienterque ille decimationis modus sine dubio reliquis  
est praeferrendus, per quem, licet poena ad paucos, metus mor-  
tis tamen ad omnes pertinet. Ast, si delinquentes sorte,  
siue aleae iactu, siue fortunae vrna, seu alia ratione vti  
debent, omnes aequaliter anxii perterritique sunt sub  
ipso ictu quasi mortis, quolibet verente, ne sibi iam  
dies supremus instet. Vnde sequitur, decimationem de-  
linquentium sorte esse instituendam.

Sic, ne iam repetam exempla paullo ante (§. 37. not.) enarrata,  
L. Apronium decimum quemque ignominiosae cohortis, sorte ductos,  
fuisse necasse, narrat CORN. TACITVS Annal. Lib. III. Cap. XXIV.  
n. 1. Idem in oratione C. Cassii, postulantis, vt omnis seruorum fa-  
milia Pedanii Secundi, qui a seruo suo, quem ignorabant, cruciatus  
fuerat, necaretur, haec verba refert: *At quidam insones peribunt. Num  
& ex fuso exercitu, cum decimus quisque fuisse seruitur, etiam strenui non  
fortiuntur?* vid. eius Annal. Lib. XIV. Cap. XLIV. n. 6. Et  
optime, sorte olim decimationem factam esse, testatur POLYBIUS  
Lib. VI. totam decimationis rationem exponens: verba eius ex-  
versione IVSTI LIPSIJ de militia Romana Lib. V. Dial. XVIII. p.  
347. sunt haec: *Quod si plures peccasse contingat, & manipulos ali-  
quos simul locum deserere: omnes quidem fuisse percutere aut occi-  
dere nolunt, modum autem rationemque reppererunt & commodam  
pariter, & terribilem. Exercitum enim aduocans Tribunus, & in  
medium noxiis productis; acriter eos inensat, & interdum quin-  
que, alias octo, aut viginti, & vt semel dicam, ad multitudinem  
semper respiciens, vt decima fere pars delinquentium sit, eos ex-*

ammi-

omnibus ignavis sortitur: & in quos ea fors cecidit, sine ulla deprecatione, fuisse percussit ad modum iam dictum. Reliquis bordeum pro tritico adnectiens, iubet extra vallum tendere & tutelam castrorum. Ita periculo & metu a sorte aequaliter omnibus impendente, & exemplo item dati bordei ad omnes perveniente, plurimum ex eo more capitur & terroris & correctionis. Ad quae verba bene commentatus est LIPSIVS. l. c. pag. 348. *Vides decimum quemque sorte captum: decimum dico: nec fallent POLYBII. verba, qui ait; interdum quinque, alias octo aut viginti perisse, non quasi quintus aut octavus interfelli; sed pro numero delinquentium vult ex iis interdum tot & tot occisos. Pone quinque decurias peccasse: quinque puniuntur; pone octo, octo; viginti, viginti: atque hic est sensus. Non tamen nego etiam vicefimationem interdum adhibitam, immo & centesimationem.*

§. XL. Natura nil vita homini melius, nihilque perfectius tribuit (§. 26.). Quum igitur in decimatione decimus quisque delinquentium tantum supplicio afficiatur (§. 36.), reliquis autem, quorum maxima pars est, quique eiusdem delicti supplicii rei sunt, vita donetur, in ipsa decimatione ostendit Princeps, se ad perfectionem aliis conferendam, omni studio promptum paratumque esse. Sed studium aliis perfectiones conferendi, *bonitas* appellatur; unde in ipsa decimatione *bonitatis documentum dare Principem*, sequitur.

Sc. decimando Princeps ipsum supremum NVMEN imitatur, quod fulmine, de coelo misso, multos terret, sed misericordia tactum, paucos ferit, ut paucorum exemplo multi sapere doceantur. Et hoc pacto Princeps & amorem conservat populi & timorem excitat, quae sane duo sunt felicitis regiminis fulcra, ut boni amore Principis ducti, mali autem poenae formidine coacti, legum praescriptis obtemperant.

VI & SA-  
PIENTIA.

§. XLI. Ad salutem reipublicae non solum opus est, ut delicta puniantur (§. 23. 24.), sed etiam ut Princeps populo, i. e. ciuibus militibusque, abundet (§. 34.), denique, ut a populo cum amore timeatur, & ametur cum timore (§. 40. not.). Hinc, si Princeps delicta punit, & parcit tamen populo, ita, ut in sibi subiectorum animis timorem non minus, quam sui amorem excitet; media, saluti reipublicae conuenientia, adhibere omnino censendus est. Iam decimando Princeps delinquentes & punit, dum decimus quisque supplicio afficitur, & parcit simul populo, dum decima tantum delinquentium pars delictum sanguine luere debet (§. 36.), & amorem pariter ac timorem excitat (§. 40. not.): vnde nemo dubitabit, quin Princeps, delinquentes decimando, conuenientissimum medium ad reipublicae salutem, tanquam finem legitimum (§. 12.), obtinendam adhibeat, eique subordinet. Sed, quum subordinatio mediorum conuenientium, fini legitimo facta, *sapientia* dicitur; *Princeps, decimando delinquentes, sapientiam suam ostendit.*

Studiose ad sapientiam requirimus 1) *ut media fini conuenientia subordinentur.* Etenim, si quis adhibet media ad finem obtinendum, quae ad illum non faciunt, aut eidem plane aduersantur, non sapientis, sed stulti nomine insignitur. 2) *ut finis sit legitimus*, i. e. qui legi naturae & diuinæ conueniens est. Nam si media conuenientia subordinantur fini malo & illegitimo, astutia potius, quam sapientia dici debet.

& hinc  
IVSTITIA

§. XLII. Bonitatem cum sapientia administratam vocamus (cum WOLFFIO in Metaphys. §. 1084. & Mor. 1020.) IVSTITIAM. Hinc cum Princeps, in delinquentes decimatione animaduertens, bonitatem cum sapientia admi-

administret (§. 40. 41.), *quin ipsam iustitiam exerceat, nemini dubium esse potest.*

Si quis forte reperitur, qui datam iustitiae definitionem in dubium vocet, ad aliorum iustitiae definitiones attendat, velim. Secundum Aristotelis iustitiae definitionem, quam inter alios Ictorum etiam celeberrimus Lauterbachius in suo compendio ff. adoptavit, *iustitia est habitus, ex quo homines ad res iustas agendas idonei efficiuntur, ex quo etiam iuste agunt, voluntque iusta*, Arist. V. Eth. 1. Sed obstat huic definitioni regula Logicorum, quod definitum definitionem ingredi non debeat, quia definitum ter in definitione ipsa continetur. Hinc ab aliis rectius *iustitia* dicitur *virtus suum cuique tribuendi*. Sed haec definitio quoad sensum a nostra haud differt. Quid enim est aliud, *unicuique suum* i. e. ipsi debitum tribuere, quam bonitatem cum sapientia administrare? Vbi *suum* tribuitur cuique, ibi praemium datur digno, & bonitas exercetur in eum, in quem exerceri temporis rerumque rationes postulant, & punitur, bonitatisque fructu privatur, qui eadem indignus est. Sed quid hoc est aliud, quam bonitatem administrare cum sapientia, i. e. pro rebus cum fine consentientibus (§. 41.). Exemplo rem illustrabo. Princeps iuste agere dicitur, si bene ac laudabiliter facta remuneratur; sed bonitatem hoc modo exercet cum sapientia, quia eius statum perfectiorem reddit, qui meruit, quo & ipse, & alii, hoc exemplo inuitati, ad bene deinceps agendum, omnes nervos contendant, omnemque lapidem moneant. Si Princeps puniat delicta, salutis reipublicae adversa, iustitiam exercere, dicitur. Sed tunc pariter bonitatem cum sapientia administrat, suspendendo in illo bonitatis actum (siquidem omnis poena privatio boni est (§. 3.)) qui per praecedens delictum ea sc. bonitate indignum se reddidit, ne, bonitate in delinquente etiam exercita, delicta in damnum reipublicae crescant. Et ne, quae ab aliis iam copiose, solideque sunt disputata, pluribus repetam, BVLFFINGERI Dilucidationes Philosophicae de DEO, anima humana, & mundo §. 445. --- 452. conferantur, velim, vbi quidquid ad iustitiam rectoriam eamque tam remuneratoriam, quam

vindicatuiam, & aequatuiam, eamque tam attributricem, quam expletricem pertinet; & quidquid de fine poenarum tam externo, qui est emendatio delinquentis, vel aliorum, quam interno, qui satisfactorius vel expiatorius alias appellari solet, alias docetur; id omne in nostra definitione contineri, egregie ostenditur. *Cur igitur*, inquis, *vestra definitio vulgari praeferenda fuit*, quum, licee vel maxime verbis, sensu tamen, ab illa non discrepet? Nostra definitio plura, quam vulgaris ista, in se continet. Nam 1) explicat fontes iustitiae, bonitatem nimirum & sapientiam. 2) explicat, quod sit *τὸ* suum cuique per allegationem sc. sapientiae & consequenter convenientiae antecedentium & consequentium in rebus. 3) inuoluit, aut supponit veritatem de poenis consistentibus formaliter in defectu bonorum. 4) propriissimo, ut ita loquar, sensu ad DEVM applicari potest, etiam in casibus remunerationis, cuiusmodi est ille Paulli 2. Timoth. 4. v. 8. vbi iustum iudicem DEVM appellat, vbi de remuneratione loquitur gratuita; quae sunt meditationes cit. BVLEFFING. l. c. §. 445. Ceterum, si non obstantibus iis, quae iam plurimis dicta sunt, tamen de iustitia, decimationi vindicata, adhuc dubites, ex ipsa vulgari receptaque definitione iustitiae, assertionem nostram demonstrabo. Iustitia est virtus, suum cuique tribuendi. Sed in decimatione tribuitur suum cuique, sc. decimo poena capitis, quae cuique omnino pro ratione delicti *τὸ* suum est, ita, ut nil, de quo querantur, habeant; reliquis autem supplicii venia, quia haec ipsis, non quidem in se, attamen respectu salutis reipublicae conservandae, *τὸ* suum est (§. 34. 37. 38). Hinc in decimatione iustitia exercetur. Quando autem HVBERS de Iur. ciuit. l. II. S. III. C. VI. n. 13. *decimationem, aliasue graues poenas, quae nocentes & innoxii inuoluuntur, magis ad publicae utilitatis, quam iustitiae & acquisitis exempla referenda esse, dicit*; id nos minime ferit, cum ex eius verbis sua sponte fluit, eum loqui de decimatione, illegitime sc. in fontes infontesque sine discrimine instituta, quae omnino omne ius omnemque aequitatem tollit; videantur itaque, quae monuimus §. 32. & infra §. 56. Deinde etiam vide-

videtur esse intelligendus de iustitia rigorosa punitiva, quae, non habito ad salutem publicam respectu, omnium sententiarum supplicium postulat.

§. XLIII. *Ius aggratiandi* dicitur ius, delinquenti poenam mitigandi, vel, si salus reipublicae postulet, plane remittendi. Hinc, quum in decimatione plurimis, quibus etiam capitis poena ob aequale delictum infligenda erat, ea remittitur, *decimatio est species aggratiationis*, in quo etiam consentit B. Georg. Adam STRVV in Synagm. Iur. prud. Exerc. 49. §. 90.

Bene est ponderandum, si dico: *si salus reipublicae postulet, in aggratiatione poenam capitis remittendam esse*. Nam, licet ordinarie salus reipublicae exigit, ut delicta puniantur, idque vel ipsa capitis poena, si mitior non sufficiat (§. 24. 26.), dari tamen possunt casus rariores, ubi salus reipublicae poenae capitalis remissionem postulat; uti fit in decimatione, vel si vir praecclare de republica meritus, & deinceps meriturus, ita ut in vita eius magna pars salutis publicae posita sit, forte delinquat. In quo casu, licet poena remittenda, id tamen agendum est, ut ratio remissionis omnibus nota fiat, vel efficiatur, ne alii, in circumstantiis diversis constituti, similem clementiam, veniamque expectent; ut bene monet WOLFFIVS Pol. §. 345.

§. XLIV. At, quia in decimatione decimus quisque supplicio afficitur (§. 36.), illa simul est modus somnandi poenas capitales (§. 26.), & hinc ius decidandi est species iuris vitae necisque (§. 26.).

Ut & modus  
sumendi  
poenam  
capitalem.

Sc. ex gratia & rigore mixta est decimatio diverso respectu. Rigor adest respectu punitorum; gratia respectu illorum, quibus venia concessa est.

§. XLV. Quicumque summam reipublicae salutis curam gerit, ille debet habere potestatem, delinquenti, si ita salus reipublicae postulet, poenam capitis remittere.

Summus  
Imperans  
habet ius  
decidandi.

mittendi, seu minuendi (§. 43.). Nam si hac careret, summam illam curam, saltem in hoc casu exercere nequiret. Hinc, cum summus Imperans summam reipublicae salutis curam in omnibus gerere debeat (§. 19.), summo Imperanti etiam competat, necesse est, ius delinquenti, si ita salus postulet reipublicae, poenam capitis remittendi, i. e. ius aggratiandi (§. 43.), ut adeo aggratiatio sit e numero regalium (§. 26. not.). Quisquis autem iure vitae & necis & aggratiandi gaudet, is etiam gaudet iure, delinquentes decimandi (§. 43. 44.). Ergo summus Imperans merito iure decimandi gaudet (§. 26.).

*Dum summo Imperanti ius aggratiandi tribuimus, priuative id intelligendum est, h. e. ita, ut Magistratibus, ab eo constitutis, & eius nomine ius dicentibus, non competat. Nam, dum tali Magistratui, ab alio dependenti, competit tantum facultas secundum leges, a supremo Imperante datas, ius dicendi, & transgressores secundum normam earundem puniendi, non vero potestas leges, a summo Principe latas, mutandi, aut ab iisdem recedendi, euidens est, illi non competere ius veniam dandi delinquenti, qui secundum legem superioris poena, praecipue capitali, erat afficiendus.*

An Magistratus inferiores illud habeant?

§. XLVI. *An ergo Magistratui inferiori, nomine Supremi ius dicenti, nullo in casu licebit decimationem instituere?* Distincte, ita reor, respondendum. Si lex summi Imperantis non ipsam decimationis poenam exprimit in casu vniuersitatis delinquentis, sed poenas tantum pro singulorum diuersitate delictorum definit, Magistratui inferiori v. g. proregi, vel summo militiae praefecto, non nisi iussu Supremi expresso licet decimationem instituere. Nam decimatio species aggratiationis est (§. 43.), sed ius aggra-



aggratiandi ad solum pertinet summum Imperantem (§. 45. not.). E contrario, si supremus Imperans iniungat, vel facultatem concedat Magistratibus inferioribus, ut in certis vniuersitatum delictis decimationem suscipere debeant, possintque, aut eiusmodi poena more recepta sit, eam inferior Magistratus quoque exercere potest, quamuis tunc non proprio, sed supremi Imperantis agat nomine; immo etiam huius consensus expressus, si iura eum postulent, ante sententiae executionem sit impetrandus. Quis dubitabit enim, quin supremi Magistratus leges, poenasque iuste constitutas, quo tunc & decimatio referenda (§. 42.), exsequendo, iuste etiam agat Magistratus inferior, siquidem hoc ipsum eius inferioris officium est? Denique, si supremus Imperans Magistratui inferiori generale mandatum dedit, ut omnia, ad salutem reipublicae facientia, pro arbitrio suaque conscientia agat, pariter ei licebit, rerum necessitate exigente, poena decimationis in copiam delinquentium animaduertere. Generale huius quippe indolis mandatum in se continere speciale, & hinc idem esse, ac si speciatim decimandi potestas concessa esset, demonstratu facillimum esse, iudico, ut etiam intellectu.

Non desunt antiquitatis exempla, quae sententiam nostram satis confirmant; ex quibus vel vnum saltem adiunxisse sufficiat. Sic relatum legimus, Iulium Caesarem milites seditiosos ad Placentiam insalutato S. P. Q. R. more patrio ita ferente, decimasse, dum, *Trattabo*, inquebat, *vos lege Perreia*, (vel rectius lege patria) *& nonae legionis decimum quemque sorte ad mortem ducam* (§. 37. not.). Quum autem ius aggratiandi (§. 45. not.), & hinc decimationem, tanquam speciem aggratiationis, etiam soli supremo Imperanti competere, demonstrauimus (§. 43.), & nihil

ominus Magistratui inferiori etiam in certis casibus tribuimus hanc potestatem decimandi (§. 46.), probe observandum est, solum summum Imperantem proprio nomine & iure suo decimare; Magistratum autem inferiorem alieno; summum Imperantem legem de decimando ex potestatis plenitudine ferre & hoc ipso aggratiationem exercere; Magistratum e contrario inferiorem datam legem tantum ex officio exsequi.

Status Germaniae immediati habent ius decimandi.

§. XLVII. Ut ad specialia descendamus, quaestio- nem examinare libet; *An Serenissimis Principibus & statibus Imperii Germanici ius decimandi subiectos proprios delinquentes competat?* Status Imperii Germanici vel immediati, vel mediati sunt. *Immediati* dicuntur, qui nullum in terris Superiorem, nisi Imperatorem Romanorum & totum Imperium Germanicum agnoscunt; *Mediati*, qui praeter Imperatorem & totum Imperium alium etiam statum immediatum Superiorem agnoscunt. Statibus Imperii immediatis sine dubio competit potestas, leges & statuta in terris suis proprio nomine condendi, ut ex iure publico satis perspectum est. Conf. COCCEIUS in iuris publici prudentia Cap. XXIII. §. 3. seqq. Sed quisquis habet potestatem leges & statuta in terris suis proprio nomine condendi, is potestate etiam gaudere debet non solum leges datas executioni dandi, & hinc transgressores vel ipsa capitis poena coercendi, quia alias lex frustra & sine effectu data esset; sed etiam ubi salus id postulat publica, a lege data recedendi siue per legem contrariam, siue per privilegium, siue per delinquentis aggratiationem. Nam si hac potestate non gauderet, non posset potestas legislativa plene de illo praedicari. Unde sequitur, statibus Imperii immediatis,

tis, ad quos Serenissimi Germaniae Duces pertinent, competere non solum ius vitae & necis, sed etiam ius aggratiandi, proprio nomine exercendum. Hinc, cum ius decimandi delinquentes sit species & iuris vitae necisque & aggratiandi (§. 43. 44.), *Statibus Imperii immediatis, & hinc etiam Serenissimis Germaniae Ducibus, ius decimandi proprio nomine competit.*

Non obstat, quod Ducatus Principatusque Germaniae feuda Caesaris sint; unde status Imperii immediati non proprio, sed alieno nomine eam potestatem exercere videantur. Nam hoc ipsum ius illi habent ex feudo, ut proprio nomine potestatem leges ferendi & abrogandi, & quaecunque inde sequuntur, nempe ius gladii & aggratiandi & alia eiusmodi Superioritatis territorialis exercere possint, licet inter corpus & membra Imperii non solum vinculum feudale intercedat, sed praeter dominium directum, supremum emmensque in statum singulorum territoria Caesari & Imperio competat, ut ostendit IOH. MICH. LANGGVT in animaduersionibus in Cocceii prudentiam iuris publici ad Cap. XXI. §. 6. n. 3. 4. pag. 356. seqq.

§. XLVIII. At, quod ad status Imperii mediatos attinet, multo aliter se res habet. Hi enim vel iurisdictionem altam, i. e. criminalem habent, vel non. Si non habent, sequitur, ut eis nec ius decimandi competat, siquidem decimatio pertinet ad iurisdictionem criminalem, quae ius vitae & necis involuit (§. 44.). At, etiam si habeant iurisdictionem altam, nondum tamen simpliciter eis potest tribui. Nam, dum status Imperii mediatos alium immediatum Superiorem agnoscit (§. 47.), cuius legibus is est obstrictus, & destituitur potestate legislativa propria, licet gaudeat iurisdictione, secundum leges status Superioris proprio nomi-

An status  
mediati co  
gaudeant.

ne exercenda; manifestum est, eum poenam ordinariam cum leuiori, vel extraordinaria absque Domini territorii consensu commutare non posse. Hinc, si lex decimationem delinquentium non expresse praescribat, sed certas tantum poenas in certa singulorum delicta constituat, status mediatas non potest decimationem instituere, quia in illa aggratiatio & quidem in hoc casu contra legem locum habet (§. 43.). E contrario, si status immediatus decimationem delinquentium in delicto vniuersitatis grauiori constituerit, status mediatas, alta iurisdictione vel mero Imperio & gladii potestate gaudens, eam potest exercere, quia hoc modo ius dicit & exercet secundum leges praescriptas (§. 46.).

Quando  
deciman-  
dum sit?

I.

II.

§. XLIX. Restat, ut inquiramus, in quae delicta decimationis poena animaduertendum sit? I. Quia in decimatione decimus quisque delinquentium supplicio addicitur (§. 36.), sequitur, *decimationem non posse adhiberi, nisi ubi magnus est delinquentium numerus*; licet, ubi tantus est delinquentium numerus, ut ex decimatione peccantium clades fere verenda sit, rectius vicesimatio, vel ipsa centesimatio adhibeatur, quia populo, quantum fieri potest, parcendum est (§. 34. 37.). II. Dum decimatio est species poenarum capitalium (§. 44.), in qua, nisi salus obstaret reipublicae, omnes ad supplicium essent ducendi (§. 34. 37.), *grave delictum commissum sit, oportet, quando decimatio locum habere debet, i. e. tale, quod magnum reipublicae adfert detrimentum*. Nam delictorum grauitati poenarum grauitas respondere debet; grauitas autem delicti ciuilis ex grauitate damni in

18-

republica aestimanda est (§. 27.). III. Quisquis animo III.  
 deliberato, vel ex consuetudine & habitu delinquit, gra-  
 vius puniendus est eo, qui tantum semel vel bis, vel  
 falsis persuasionibus commotus, delictum perpetravit  
 (§. 28.). *Hinc, si uniuersitas grauiter, idque data opera, de-*  
*linquat, vel idem delictum, cuius poena antea remissa fuerat,*  
*de auctoribus tantum supplicio sumto, repetat, omni iure de-*  
*inde decimatur.* IV. Quando vnum idemque delictum, IV.  
 quod communi salutis aduersatur, a multis frequentius  
 committi solet, poena grauior eidem imponenda est  
 (§. 29.). *Hinc in hoc casu etiam, maxime si illud cum sa-*  
*lute reipublicae pugnet, decimatione illud punire licet.*

Non autem opus est, vt omnia haec requisita adsint simul, vt nec  
 facile fieri potest, sed sufficit, si primum & vnum ex reliquis ad-  
 est, vt clarius ex illis, quae supra de poenis demonstrata sunt  
 (§. 27. 28. 29.) patet. Videamus nunc casus aliquos, vbi haec  
 generalia poterunt applicari.

§. L. Tumultus, in republica vel militia aduersus I. In sedi-  
 Magistratum excitatus, dicitur *seditio*; qui autem sedi- tione.  
 tionem excitant, *rebelles* appellantur. Hinc, cum in sedi-  
 tione promissum obsequium denegetur Magistratui, eius-  
 que adeo auctoritas imminuatur, auctoritate autem Ma-  
 gistratus violata, subuertantur simul leges & boni mo-  
 res, & quilibet impune, quidquid libet, agat; vnde  
 securitas Imperantium aequae tollitur ac parentium: se-  
 ditio omnium maxime salutis reipublicae, securitatem  
 communem requirenti (§. 12.), est aduersa. Hinc, dum  
 seditio grauissimum est delictum (§. 27.), quod a plu-  
 ribus perpetratur, dum vnus homo potentia Magistra-  
 tui resistendi destituitur, licet vnus vel pauci seditionis

auctores soleant esse; *seditiones ciues acque ac milites decimare licet* (§. 49.), etiam si auctores seditionis, si cognosci queunt, seorsum & quidem grauius puniendi sint (§. 32.).

Huc pertinet exemplum Iulii Caesaris, cuius supra (§. 37. not.) mentio facta est, legionem seditiosam decimare decernentis, licet multis precibus exoratus, tandem ex CXX, tantum XII. neci traderet. Contra ea merito improbatur factum Theodosii Imperatoris, qui cum Constantinopoli Romam proficiscens, eo itinere Thessalonicam diuertisset, militesque urbem quibusdam rebus conturbassent; Thessalonicenses autem seditione facta Imperatorem iniuriis affecissent, & quosdam eius praefectos lapidibus obruissent, re inaudita irae impetum non sustinens, praefecto viris eius facinus id vindicandum commisit; qui ea crudelitate gladium contra ciues fontes cum insontibus strinxit, ut trucidauerit millia hominum VII. vel ut alii tradunt XV. uti refert CEDRENVS. Dum assergi autem, *seditionem decimatione recte puniri*, nemo non perspicit, me loqui *de iniustis*. Nam, quamuis non omnia Principis vitia ad vium sint rescandae; nec omnis declinatio a regulis sapientis regiminis, ex errore, vel affectuum vehementia orta, pro tyrannide habenda sit; nec vnus vel item alter actus statim tyrannum constituat, nec contra salutem publicam statim agere censendus sit Princeps, si singulis ingrata praecipiat; uti bene docent PVFENDORF de iur. nat. & gent. Lib. VII. Cap. VIII. & WOLFFIUS Pol. §. 24: euidentissimum tamen est, si Princeps Imperium in tyrannidem conuertat, & populum, quem seruare debebat, & tueri, perdere & in perpetuum trudere exitium conetur, Imperatorem Caligulam imitatus, qui omnem populum Romanum vnā ceruicem habere optabat, ut vno ictu omnes necare posset, teste Suetonio in vita Caligulae Cap. XXX; nec precibus subiectorum, nec intercessionibus aliorum Principum, nec ullis aliis remediis mitioribus ad officium rectius explendum commoueri queat; populum non amplius ad obsequium praestandum esse

esse obligatum. Nam pactum, quod inter Magistratum populumque intercedit, & quo Magistratus salutem publicam, cuius cura ipsi a populo commissa fuit, tueri ac stabilire, populus autem obsequium & reuerentiam & tributa necessaria promissit (§. 14.). a tyranno ante tunc fractum est; pacto autem ab una paciscentium parte fracto, nec alteram amplius eo obligari notius est, quam quod notissimum. Bene hanc in rem BVDDVS in iustit. Theol. moral. P. II. C. III. sect. 7. §. 9. Cum imperans, inquit, hostilem erga rempublicam induit animum, atque in tyrannum degenerat, omnino, ut illi resistatur, par est. Hoc natura & finis societatis civilis postulat, in quam homines coierunt, ut non perderentur, sed ut conseruarentur. Multo magis hoc tum licet, si Imperantis limitata sit potestas. Nec obstat, quod Petrus 1. Ep. II. v. 18. Dominis non tantum ἀγαθοῖς, καὶ ἐπιεικέσι, sed etiam τοῖς σκολιοῖς obedientiam praestari velit. Nam, ut de inconcinna atque haud concludente argumentatione a seruis seu mancipiis ad ciues, qui liberi homines sunt, nullam faciam mentionem, ipsum vocabulum σκολιός, quod hoc loco dominum asperum, einen harten und wunderlichen Herrn, un maître rude, significat, obiectionem remouet. Nam nec ciues Principi & domino σκολιῷ obedientiam denegare debent. Vnde in hoc casu, licet vi tyrannus supprimat populum minus obsequentem, iure tamen decimationem instituere non potest. Quod autem de ciuibz seditionis modo est demonstratum, idem de militibus, quibus pactum non seruat Superior, est dicendum.

§. LI. Si exercitus, vel magna illius pars ex prae-  
lio fugit sine euidente & urgente necessitate, signa Du-  
cemque deserit, & hosti ita facilius victoriam conce-  
dit, maxime id reipublicae saluti, quae securitatem  
postulat (§. 12.) aduersatur; siquidem tunc hostis vi-  
ctor, non amplius impeditus, in vitam & bona populi  
grassabitur. Hinc, quum id delictum sit a pluribus com-  
missum, salutique publicae admodum aduersum, de-  
cima-

II.  
in fuga co-  
meraria  
militum.

*cimatione in milites, sine praegnante ratione fugientes, animaduertere potest Princeps (§. 49.), licet Duces belli, nisi resistierint fugientibus, vel si ipsi primi aufugerint, antea puniendi sunt (§. 32.).*

Sic milites Iulii Caesaris, qui turpiter in praelio aduersus Pompeium M. Dyrrachino pugnauerant, petebant ipsi decimationem ex more patrio. Et ipse Imperator Ferdinandus III. Anno 1642. recentiori aetate decimationem contra exercitum fugientem decreuit (§. 37.). Pertinent huc etiam, quae de more Romanorum patrio ex DIONYSIO supra (§. 37.) fuerunt adducta. Dico autem: *si milites fugiant sine ratione admodum praegnante.* Nam, si pluri iam aufugerint, & reliquis propter hostium copiam aut per eundem aut fugiendum sit, non dubium est, fugere eis potius licere, quam perire, quia deinde vis hostium non sisti potest, & miles fugiens bis pugnat, mortuus non item; & hinc tales minime esse decimandos.

III. Perfugas licet decimare.

§. LII. Miles, ad hostem transiens, dicitur *perfugas*. Cum autem desertio Ducis Principisque legitimi, cui quis sacramento fidem suam obstrinxit, & transitus ad hostem, patriae infensum, saluti reipublicae maxime aduersetur; siquidem, quum magnus perfugarum numerus sit, & respublica militibus priuatur, & vires hostium crescunt, quod vtrumque tollit reipublicae securitatem (§. 12.). Hinc, si magna exercitus pars *ad hostem perfugiat*, vel alio modo deserat Ducem inuitum, omnino *hoc delictum decimatione puniendum est* (§. 49.).

Maiores nostri, teste Tacit. de Morib. Germ. C. XII. proditores & transfugas arboribus suspendebant, quod adhuc consuetudinis est. conf. LVNIG. c. I. in indic. sub Artic. Ulbertsuffer. Apud Romanos pro temporum diuersitate poena transfugarum fuit varia; qua de re consule FABRI Semestr. C. XII. vbi inprimis obserua-



seruauit, grauius Romanos, quam Latinos transfugas punitos; illos quippe crucibus affixos, hos autem seuri percussos fuisse.

§. LIII. In bello nihil aeque ad reipublicae salutem necessarium est, ac promptum iussibus Ducis praestandum obsequium. Nam si in exsequendis iussibus milites cunctantur, aut plane facere imperata recusant, optima non raro consilia irrita redduntur, & occasio satis opportuna res bene gerendi, & expeditam propriamque ab hoste victoriam reportandi facile elabitur, & fieri omnino potest, vt hostis ita superior discedat, & cum insigni reipublicae damno trophaeum deportet. Hinc si exercitus vel magna eius pars obsequium praestare recuset, & suo potius arbitratu rem gerere audeat, nec aliter ad officium praestandum redigi potest, decimatio omni iure est instituenda (§. 49.).

IV. Obsequium de-  
uocantes.

Eundem Romani seruabant morem. Nam cum Galba Imperator classarios, quos Nero criminibus iustos milites fecerat, redire ad primum statum cogeret, recusantes atque insuper Aquilam & signa pertinacius flagitantes non modo immissis equite disiecit, sed decimauit etiam, teste SVETONIO in Galba Cap. XII. Quo pertinet etiam exemplum milicum Iulii Caesaris, apud APPIANVM de Bellis ciu. Lib. II. pag. 794. 795. & 796. qui obsequium ante huic denegabant, sed mox, *Quiritum compellatione audita*, quod signum erat, teste APPIANO c. l., iam demissos esse a militia, hoc non tulerant taciti, sed exclamantes ostendunt poenitentiam, atque ipsi decimationem petierunt.

§. LIV. Miles, qui adsignatum a Duce ordinem deserit, *ordinibus cedere* dicitur. Iam vero, quum milites, qui ordinem, in acie sibi a Duce adsignatum, minus diligenter seruant temereque a signis recedunt, hosti non modo in agmen irrumpendi illudque perturbandi,

V. Et ordinibus  
cedentes.

di, sed vincendi etiam occasionem praebent; quo ipso salus reipublicae maxime periclitatur: illos decimari & posse, & debere, unusquisque facile intelliget (§. 49.).

In milites, ordinibus temere cedentes, poenam capitalem a Romanis quoque constitutam fuisse, testatur inter alios IOSEPHVS Lib. V. Excidi. Οἱ νόμοι δὲ αἱ καὶ τὰς βραχὺ τι τῆς τάξεως παρακινήσασσας. Σανκτὼ κολάζουσι; leges Romanae semper eam, qui vel leuiter ordine excesserit, morte puniunt; vel vt HEGESIPPVS. veritas; legibus egredienti ordinem praestripita mors est; & TACITVS Lib. XIII. Annal. Qui signa reliquerat, statim capite poenas luebat. & DIONYSIUS l. c. §. 37. nota. Ea (decimatio) Romanis patria quaedam puniio est in eos, qui ordines reliquerunt, aut signa deseruerunt. Adduci possent crimina plura decimatione digna, nisi breuitatis studium me cohiberet. Hunc vnicum locum ex foederatorum legibus militaribus, A. 1658. promulgatis, adducere liceat, vbi leguntur haec Art. LXIV. Collesich etवान hegeben, iand erwiesen werden, dass des Commendanten nachgesetzte Officires und gemeine Soldaten den Commendanten, die Bestung und Posten aufzugeben, gestrungen, oder dazzu gerathen und verleitet hätten; So sollen alle Befehlshaber an solcher That schuldig, und aus den gemeinen Soldaten der lebende Mann, so das Loos treffen wird, das Leben verfürchet haben etc.

An copias  
subsidiarias  
liceat decimare.

§. LV. At, quamuis in dictis delictorum casibus proprios milites decimare liceat Principi, quaeri tamen potest; an milites conductitios in iisdem delictorum militarium casibus decimare, integrum sit conductori? Si per pactum locator ipse sibi reseruauerit ius, copias suas delinquentes, licet alteri locatas, puniendi, patet, conductori non licere ex pacto, easdem copias, delinquentes forte, decimare; Sed quid, si per pactum n-

hil de eo constitutum sit. Quum finis pacti inter copiarum auxiliarium locatorem & conductorem hic sit, ut conductor eas ad terrarum suarum securitatem & generatim ad utilitatem suam adhibere possit, facile patet, conductorem etiam facultate, copias illas ad officium suum compellendi, eo magis gaudere debere, quo maiora incommoda ex alieno exercitu minus obsequente oriri queant; ne dicam, finem pacti, si de conductore facultas illa negetur, obtineri non posse. Quia autem ad officium recte praestandum compelluntur poena (§. 23. 24.), facultate puniendi copias, mercede conductas, pollere debet. Hinc, quia decimatio etiam eiusmodi poena est (§. 44.), per quam a variis delictis, reipublicae salutis adversis, auocandi sunt milites delinquentes (§. 50. - - 54.), sequitur, ut copiarum auxiliarium conductori ius eadem, si graviter deliquerint, decimandi competere debeat.

Si quis forte dicat; ipsi domino copias delinquentes esse remittendas, ut ab eo puniantur: respondemus: id saepe non satis commode fieri posse. Nam si magnus eiusmodi militum numerus delinqueret, de domino remittendus esset, accidere facile posset, ut conductor ab hoste, cui tunc numero fortasse plane impar esset, profigeretur, rei publicae maximum adferretur detrimentum; cum e contrario, si ipse conductor in eiusmodi casu milites decimaret, reliquorum tamen opera in prosterndo hoste vti posset. Sed porro quis quaerere posset: *an conductor in locum eorum, qui in decimatione perierunt, alios subicere & locatori restituere teneatur?* Quod nobis negandum videtur. Nam damnum, ex necessario rei usu ortum, conductor non restituit locatori secundum praecepta legis naturalis. Vid. WOLFFIVS Moral. §. 957. Sed decimatio delinquentium est tale damnum, siquidem copiae, quae officio suo non satisfaciunt, non nisi eiusmodi poena

poena cogi, nobisque vltui esse possunt. Vnde pro militibus conductis, in decimatione pereuntibus, alii locatori non restituendi sunt, nisi per pactum aliter res constituta sit.

An delin-  
quentes,  
innocenti-  
bus mixtos,  
decimare  
liceat?

§. LVI. Difficilior responsio videtur esse, si quaeras: *an liceat decimationem instituire in delinquentes, quibus innocentes quidam, qui tamen a reis distingui nequeunt, sunt intermixti?* nam, si innocentes a delinquentibus separari possunt, separandos esse, antequam poena infligitur, supra iam demonstratum est (§. 32.). Quod si vero innocentes reis intermixti sunt, ita, ut ab illis nequeant separari; aut maior pars est delinquentium, aut innocentium, aut utrorumque numerus circiter est aequalis. Quod si maior sit innocentium, quam reorum numerus, facile apparebit, intuitu plurium innocentium reis veniam potius dandam, quam paucorum reorum causa plurimos innocentes trucidandos, & DEI ter optimi maximi exemplum hac in re imitandum esse, qui reliquis Sodomitis, si vel decem tantum reperti inter eos innocentes fuerint, se parfurum Abrahamo confirmabat Gen. XIX. v. 32. Nam poena delicta, non innocentiam sequi debet (§. 30.), & venia, paucioribus reis, iisque incognitis, concessa, sine dubio, nisi pessimae mentis & ingratisimi homunciones sint, eos, ut maiori studio officio suo satisfaciant, in posterum excitabit (§. 38.), & amorem in Principem accendet, ut nihil non pro illo agere & sustinere parati sint (§. 40. not.). Idem statuendum videtur esse, si numerus innocentium circiter aequalis sit reorum copiae; maxime autem tunc, si adsint circumstantiae, quae, ut populo vel militibus parcat, suadeant. E contrario, si maxi-

ma pars delinquit, & vnus vel item alter innocens illis immixtus sit, decimatio nostro quidem iudicio instituenda est. Nam si ne in hoc casu quidem instituenda esset, numquam fere locum habere posset in vniuersitatum delictis, quia semper verendum, ne innocens aliquis sit admixtus. Dico: *verendum esset*. Nam si certo scias, hunc vel illum innocentem reliquis inmixtum esse, potest separari. Nec obstat, si quis forte dicat, ita innocentem saepe vita priuari posse. Nam quia plurimi rei supponuntur, & decimus tantum quisque supplicio afficitur, probabile non est, fore, ut innocenti prae reis fors infausta obtingat; & si hoc fiat, ut innocentiam suam probet, ipsi non denegandum est, quo facto non est, cur timeas, ne sanguis innocentis profundatur. Quod si vero innocens aliquis sorte damnatus innocentiam probare nequeat, illud Cassii apud TACITVM Ann. L. XIV. C. XLIV. locum habebit: *Habet aliquid ex iniquo omne magnum exemplum, quod contra singulos vtilitate publica rependitur.*

Hinc potest intelligi, quid de supplicio CCCC. ternorum, quorum vnus aliquis dominum, Pedanium Secundum, Romae praefectum, occiderat, frustra C. Cassii iussu, teste TACITO Ann. Lib. XIV. Cap. XLII. - XLV. statuendum sit? Nam cum omnes mortem potius sustinuerint, quam ut reum confessi sint, probabile non videtur esse, plures eiusdem delicti participes fuisse. Unde utique a crudelitate parum abesse videtur, quod omnes propter vnum vel paucissimos delinquentes trucidati fuerint, siquidem ipsa decimatio mitior delicti poena fuisset. Exstat quoque egregium ad praefens institutum perulstrandum exemplum Iulii Caesaris apud APPIANVM Lib. II. de bellis civilibus pag. 730. & 751. Nam cum ille ex CXX. folis, qui praecipui seditionis auctores

videbantur, in duodecim tantum sorte ductos animaduverteret, & ex his duodecim unus reperiretur, qui tempore seditionis abfuerat, Caesar non solum huic veniam dabat, sed pro illo etiam occidebat centurionem, qui eum detulerat. Haec si perpendantur recte, veritati minus conueniens videtur sententia NICOL. HIERON. GVNDLINGII in Dist. de vniuersitate delinquentium §. 35. pag. 34. quod nimirum *Romanis gentilibus placueris decimatio ex inolita superstitione, dum existimauerim, non lataram Deorum providentiam, ut fors feriret noxa vacantem. Quin potius huic sententiae obstat exemplum Iulii Caesaris, militem, sorte quidem castum in decimatione, sed innocentiam suam probantem, absoluentis; id quod sane haud facere potuisset, si, providentia deorum ita ferente, non nisi fontes sorte damnari, superstitione credidisset. Sors sua natura fontes & infontes separare haud potest. Superstitionem omnino redoleret, quae a nonnullis fortis ascribitur vis & efficacia, ut eleganter hac de re BOECLER. ad Tacit. Ann. L. I. C. IX. iudicat. Sane, si DEVS sortem, seu ex machina, dirigeret, non opus haberemus, multo labore magnae sumtu legum periti & iudices fieri, sed possemus quasvis obuenientes controuersias derepente decidere cum PANGRVO illo iudice, qui omnes lites tesserarum iactu dirimebat, nil veritus gloriari, suas decisiones aequae bonas esse, atque Parliamenti Parisiensis sententias. Conf. DVAREN. de iud. tit. de litigatoribus. RABELLAIS de la vie de Pantagruel L. II. Nec nobis exemplum de sorte, quandoque ad detegendos facinorosos apud Iudaeos instituta, potest opponi. Ios. VII. Nam a populo Iudaico, apud quem DEVS peculiarem exercebat providentiam, ad alium quemcunque concludi nequit. Ceterum, quod decimandum sit, licet forte pauci innocentes incogniti sint admixti, ipsum ius milit. Germ. non potuit non admittere, ubi haec leguntur: *Woserne aber iemand von ihnen für dem General und Ober-Gericht be-  
wiesen würde, daß ihnen hierinnen für ihre Person keine  
Schuld zuzurechnen, auf solchen Fall sollen sie ihrer Unschuld  
billig gugenießen haben.**



§. LVII. *Victi* dicuntur, qui vi armisque sub alienius potestate rediguntur. Iam vero illi, qui sub alienius potestate rediguntur, vel antea iam sub eiusdem potestate fuerunt, vel non. Si iam ante sub eiusdem potestate fuerunt, & sine praegnanse causa rebelles facti, sed tamen denuo victi, i. e. sub potestatem vi redacti sunt, dubium non est, quin decimari possint (§. 50. p.), nisi victor peculiare pactum ineat, vi cuius se veniam denuo victis concessurum & eo, quo antea fuerunt, loco illos habiturum, promittat. Ad pacta enim servanda lege naturali sumus obligati. E contrario decimari non possunt, si propter tyrannidem obsequium tyranno denegauerint (§. 50. not.). Quod si vero antea, in cuius potestatem vi armisque rediguntur, subiecti non fuerunt, minime decimandi sunt. Nam licet vel maxime ei, a quo victi sunt, resisterint, eumque prosternere plane atque delere conati fuerint, tamen non quidquam delicti admisisse, sed suo potius officio satisfecisse censendi sunt, quin immo tunc potius decimatione digni fuissent, si aggressiones hostiles repellere non fuissent conati. Nam quilibet patriam suam pro virili tueri, eamque ab hostium insulibus defendere, datamque Magistratui suo fidem, servare obligatus est. Deficiente autem delicto decimatio tanquam poena (§. 44.), locum habere haud potest (§. 30.).

An victos  
liceat decimare?

Recte hinc Otto apud TACITVM Hist. L. I. C. XXXVII. improbat  
sevitiam Galbae, Imperatoris; *Horror, inquit, animum subit,  
quoties recorder feralem introitum & hanc solam Galbae victo-  
riam, cum in oculis orbis decimari dedigos iuberet, quos depre-  
cantes in fidem acceperat.*

§. LVIII.

An praeter  
Romanos  
decimatio  
etiam aliis  
populis  
usitata fue-  
rit?

§. LVIII Ingenue fateor, me antiquius quam Ap-  
pianum illud supra §. XXXVII. memoratum, decima-  
tionis proprie sic dictae exemplum inuenire haud potu-  
isse; nec Graecos, illa vlos fuisse, legi probatum  
vllubi. Equidem decimationis cuiusdam apud ipsos  
Persas antiquissimos prostat exemplum, sed a nostra de-  
cimatione alienissimum, quod nobis suppeditat HE-  
RODOTVS Libr. III. pag. 193. seq. Edit. H. Steph. ita  
exponens: *Milites Regis Cambysis, ab eo sine rei frumenta-  
riae apparatu aduersus Aethiopes in expeditionem ducti, an-  
tequam quintam itineris partem confecissent, protinus com-  
meatu omni, quem secum habebant, caruerunt, & ab-  
sumtis iumentis, quamdiu quod de terrasumerent, ba-  
buerunt, herbis victitauerunt; at, ubi ad sabulum peruene-  
re, ibi sortiti ex se ipsis decimum quemque comederunt.*  
Cruentam hanc decimationem ex iure seu favore ne-  
cessitatis defendendam esse, quilibet facile concedet. Nam,  
cum natura omnis homo ad vitae suae rerumque suarum  
conseruationem & propter hanc ipsam obtinendam, ad  
officia erga alios stricte dicta custodienda, & ad absti-  
nentiam ab extorquendis officiis amoris sit obligatus,  
facile patet, in casu, ubi custodia officiorum erga alios  
pugnat cum conseruatione nostri necessaria, licere no-  
bis officia erga alios negligere non solum, sed violare  
etiam alterum ad propriam nostram conseruationem,  
quae mitiori remedio obtineri non poterat, obtinen-  
dam. Nam cessante principio cessat etiam principiatum,  
& ipsa natura duce, amor erga se ipsum amor erga al-  
terum anteponendus est, quia in collisione regularum  
perfectionum simplicium ea est praeferenda, quae in

toto



toto maximam praestat perfectionem. Et haec ipsa facultas moralis, violandi officia erga alios stricte dicta, ne nobis ipsis pereundum sit, dicitur *ius seu fauor necessitatis*. Hinc, dum milicibus Cambylis cum extrema conflictandum fuit necessitate, ita, ut omnibus, nisi ad hunc decimandi modum confugissent, fuisset pereundum, factum eorum commiserationem potius, quam reprehensionem meretur. Ceterum in hoc casu decimationem proprie sic dictam fuisse adhibitam, minime dici potest, quia decimatio proprie poena est (§. 36.), in hoc autem casu deficiente delicto, nec poena proprie sic dicta locum habere potuit (§. 30.).

§. LIX. Decimatione delinquentium facta, quo modo tractandi sint superstites, paucis ostendam. In decimatione omnes aequaliter mortis poena essent afficiendi, vno eodemque delicto ab iis commisso (§. 32. <sup>Superstites ex decimatione durius tractandi.</sup> seqq.). Cum autem obstat salus reipublicae, quomodo aequaliter omnes ad supplicium trahantur (§. 34.), & hinc decimus tantum quisque eodem afficiatur (§. 36. 37.), aequum est tamen, ut superstites durius tractentur iis, qui non peccarunt, donec bene laudabiliterque rebus gestis prius delictum compensauerint, pristinaque gratia se dignos reddiderint. Hoc enim non solum salua reipublicae salute potest fieri, sed reliquis etiam eo magis exemplo esse potest.

Apud Romanos mos patrius ita ferebat, ut, decimo quoque milite coeso, reliqui superstites hordeo pro tritico pascerentur, loco extra castra assignato, vallum securitatis conficere iuberentur, uti supra adnotauimus ex POLYBIO (§. 38. not.), & quod restatur

statutur etiam FABER in libro semestrium Cap. XVIII. pag. 94. Praeterea quoque in omnibus Germ. Artic. mil. legitur in hunc sensum: die übrigen aber sollen ausser dem Lager ohne Fahne liegen, und das Lager, so es unrein ist, zu saubern und zu reinigen schuldig seyn, auch an die gefährlichsten Oerter commandiret werden, biß sie ihr Verbrechen durch darauf erfolgte männliche Thaten gnugsam gebüßet.

• **Conclusio.**

§. LX. His finiam praesentis instituti tractationem iucundam pariter ac vtilissimam. Nam etiam si homines, quae de poenis praecipuntur, iniquis auribus auscultare soleant, veterum Germanorum morem imitantes, apud quos animaduertere, vincire, verberare nemini, nisi sacerdotibus permissum erat, non quasi in poenam, nec Ducis iussu, sed velut DEO imperante, poena instigeretur, ut refert TACITVS de moribus Germanorum Cap. VII. satis tamen sine poenis nec legem, nec rempublicam ullam factam tectamque esse, experientia comprobatum est. Vnde non potest non vtilissimus esse labor, quo in iustos clementiae & severitatis limites, a sapiente Magistratu in poenis exsequendis semper observandos, omni cura inquiratur. Quod restat, ut verae virtutis pietatisque ardor in omnium mortalium animis excitetur, quo non severitatem, sed clementiam Magistratus, qui mali aequae vindex ac remunerator boni a DEO est constitutus, experiantur, ex animo precamur.

SOLI DEO GLORIA.

VIRO

VIRO IVVENI  
NOBILISSIMO NEC NON DOCTISSIMO  
D O M I N O  
SALOMONI SEVERINO  
DOBERMANNO

FAVORI ET AMICO SVO AESTVMATISSIMO

S. P. D.

PRAESES.

**S**umma cum animi voluptate huius dissertationis praesidium suscepi. Talem enim nactus sum respondentem, qualem volui, & optare potui. Sane quis nescius, qui aliquam tantum TVI cognitionem habet, TE nunquam illotis manibus Themidos sacra tractasse, atque in periculossimo iurium labyrintho semper ceu filum ariadnaeum tenuisse illud: leges scire non esse verba earum tenere, sed vim ac potestatem? Dissertatio haec, proprio Marte a TE elaborata, luculentum huius rei exhibet testimonium, in qua delinquentium decimationem ab iniquitatis nota, quam illi inurere multi voluerunt, per argumentorum catenam

tenam, propriis suis articulis optime cohaerentem, masculae liberaſti, & iuſtitiae patrimonio ita vindicaſti, ut ad perpolicendam eam vix ultima mea lima opus habueris. Quin igitur VIRO CONSVLTISSIMO, Parenti TVO cariſſimo, meoque fautori honoratiſſimo, de filio vnico, eoque erudiſſimo, TIBI autem ipſi de indefefforum ſtudio- rum fructibus, quorum flos ſeſe iam amoeniſſimus oſtendit, certiſſimis, iisque vberrimis, animitus gratuler, me continere nec potui, nec debui. Si quid eſt, quod reſtat, vale, & abſens etiam, me amare, perge.

